



修武縣志

三



DS  
793  
H52  
H8254  
1839  
v.3









修武縣志卷三

修武縣知縣馮繼照纂輯

輿地志下

古蹟

陵墓

里甲

風俗

物產

古蹟

甘泉閣

在縣西門外閣後有井泉甘而冽康熙四

年

聖祖西巡駐蹕修武以此泉供

御焉

待王鎮公在縣西二十里相傳武王伐紂時簞食

漿迎師處

府志

文案邨

在縣東南八里相傳武王載木主東征文

修武縣志

卷三

輿地志

古蹟



案奉安於此

采訪

大陸 在縣北一十八里

案定公元年魏獻子田於大陸焚焉疏曰當時荒蕪之地故以大陸名今縣北一十八里邨名大陸南際吳澤與水經注大陸卽吳澤之語合

府志

孔子問禮處 在縣西北十五里孔莊舊名聃邨相

傳孔子問禮在此縣人建廟河內進士成文有記

辨之

吳志

案舊志云通志載有宣聖坡謂夫子之趙聞趙鞅殺竇鳴犢返經此案史記孔子既不得用於衛將

西見趙簡子至於可而問竇鳴犢犢死也臨



河而歎曰美哉水洋洋乎某之不濟此命也夫  
已至此何用渡河而有不濟之歎哉

七賢鄉

在縣東北

金李俊民七賢臺詩放跡山陽志尚同至今林下仰高風欲將

人物

圖中看恐遇生前李衛公注李衛公焚七賢

圖

元王惲七賢鄉詩二首不到山陽二十年黃

墟空

鎮竹林煙胡盧笑殺嵇康輩又向溪山著祖

指舊樓

幾年於此避危機奇才最

惜

惜中散空聽

鷺

音月下歸

元鄉學記碑陰載有七賢鄉十邨鄉學碑存學宮

詳見

學校

舊志山陽縣東北有嵇叔夜園宅後悉爲墟父老

猶稱嵇公竹林述征記曰山陽東北二十里魏中

散大夫嵇康園宅悉爲田墟時有遺竹



吳志竹林今人皆謂在輝縣蓋因彼有山陽鎮耳  
不知輝之山陽迺金割修武重泉邨所置非漢晉  
山陽縣全境也嵇康傳康性巧而好鍛宅中有一  
柳樹甚茂每夏月居其下以鍛今鍛竈在百家巖  
則向秀思舊賦所云經山陽之舊居正指此地而  
言何疑乎竹林之不在修武乎明李濂甯邑記亦  
云濁鹿城有漢獻帝墓七賢竹林亦在茲地尋訪  
得一寺實七賢堂舊址蓋後人建堂於竹林以祀  
七賢者草莽中臥一斷碣隱隱可攷若使在輝縣  
不應入甯邑記矣可見明時尙有舊址去今百餘  
年耳邑無好事者遂使昔賢遺跡湮沒不彰以誤



傳誤反歸之他境豈不可歎哉

吳志考辨河南通志七賢鄉入獲嘉醒酒臺入延津竹林入輝縣夫七賢鄉有嵇康傳可據今修武邨鎮有七賢鄉醒酒臺有宋曹涇刻石可據竹林有明李濂甯邑記可據迺前人竟不一置辨何哉案百巖蘇門相距不過數十里昔賢遊屐兩地爭傳修武有七賢鄉百巖有七賢祠而輝縣山陽鎮復有七賢堂皆爲嵇阮遊賞處也况百家巖之嵇竈孫臺唐時猶有之昔人固不我欺耳

百家巖

唐人亦作柏巖

在天門谷下說文云巖岸也言山

石似岸也巖赤色高五十餘丈東西長三倍之如



百堵牆傾敲礪柯巖根南北不及二十弓以其地  
可容百家故名或又云巖上多柏故亦名柏巖負  
巖爲寺遊者由東麓歷階而升亦可從西檀門入  
東爲客堂堂後有泉自巖根涌出爲明月泉泉旁  
多竹次東爲僧廚又東巖上石隙有泉流出卽所  
謂王烈泉也佛殿鱗次而西庭前雜植嘉卉皆根  
幹繁碩逾百年物又西爲張仙祠祠南室三楹正  
當檀門之上吳君映白榜曰環翠憑欄俯眺老檀  
一株蒼森鬱茂足爲古刹生色而明月泉屈曲從  
寺內流出樹色泉聲悅人心目由張仙祠西歷石  
登而上登則有炎梁貞祐石幢又西有宋蔣之奇



摩崖題名再上兩丈許為漢獻帝避暑臺今改建  
文昌閣北倚巖壁壁上有石竇其西為千佛洞俗  
名苦孀廟視避暑臺高約四丈世稱觀音大士  
為孀孀人跡罕到香火寂然因以苦孀孀名之也  
又西石壁龕內構瓦屋一間為稠禪師庵其右天  
門瀑布自巖頭而下有奇石如舌即劉伶醒酒臺  
也臺下絕澗瀑布注之為嵇康淬劍池旁有鍛竈  
今弗存矣又宋宣和李子從題名云詣百巖恭點  
御書以知宋時曾貯御書於寺亦惜無存百家巖寺詳寺  
觀并詳金石唐冷朝陽宿柏巖寺詩幽寺在巖  
中行唯一徑通客陰孤嶠月蟬噪數枝風秋色生  
苔砌泉聲入梵宮吾師修道處不與世閒同宋  
竹林陰叟百家巖詩明月池邊酌玉壘玉壘未倒



玉山頽秋風吹斷華胥夢臥看飛雲過嶺來  
李俊民同濟之游百家巖懷郭延年有感詩雨晴  
閒向百巖遊今古都成一段愁老衲解回山下虎  
眞人跨入洞中牛水流花落三春暮鳥沒雲沈萬  
事休有道碑前空陸淚往來誰復共仙舟  
元王  
百家不羨碧淵秋色好倚天驚絕赤城霞案此詩  
舊志誤爲馬淵作明邑人馬淵百家巖詩石髓  
丹書雨遇難碧山猶說有仙墮千秋留得嵇康恨  
石上清風漠漠寒亂山含遠排青閭細路縈紆  
走白蛇十里風煙唳醉裏柘園莊北日西斜  
朝邑令吳映白遊百家巖詩歸展馮虛上蒼茫一  
望開苔封中散竈雲接步兵臺絲竹綠崖密飛泉  
漱石來歸途發鍾磬荷擔一僧回教諭周校重  
遊百巖寺詩十年不到碧峯頭恐負山靈續昔遊  
寂寞煙霞僧欲老白雲堆破舊經樓邑人范至  
衡遊百家巖詩百巖占斷行山境谷靜林深都堪  
領我來折屐禮空王踏破春山雲二嶺春山兩岸  
百花開錦繡誰鋪不計頃姚轉東峯明月生碧潭  
上下見月影月影空明玉兔飛流光如此誰知省  
澄心靜聽山僧語



奇檀 在寺門外樹據石崖大可十圍根如車輪

發五榦垂蔭數畝旁復怒挺一根去地五尺許橫

插寺壁高倚寺門之楣人由根下入寺故稱檀門

寺後明月泉屈曲流出穿樹根而下故其樹特茂

蔚鬱青翠虧蔽天日杜鴻漸百巖寺碑稱為奇檀

信乎根幹蒼古非茲檀不足以稱奇蓋自唐以前

久有此檀洵堪與秦松漢柏同壯名山之色也陽湖

袁俊道光戊戌重陽日全馮明府荻橋張學博魯

巖遊百巖觀古檀歌以紀之百巖之高一千尺下

有長泉流赤壁奔騰屈注出寺門老樹橫遮石徑

斥水蓄盛怒勢莫當挾石衝泥根半擘一根直插

石骨深輪囷無復寸土積滿天風雨聲怒號水穿

峽口走樹隙一根斜上空曲盤大如罍盎勢艱脆

入寺破門且斂手半空疑有蛟龍擲喬柯上竦榦

得五繆枝下垂蔽蔭百不數紋斜痛欲穿翻羨膏



流葉凝碧天寶至今凡幾年奇檀追溯猶在昔唐  
碑半滅樹猶存空山閱盡興亡跡東西嶺上鬱蔥  
龍羅列兒孫同一脈他樹雖多不足珍未若茲檀  
奇益劇我來倚樹重摩挲皓月當空霜色白抽豪  
爰賦古檀歌寄語後人毋翦伐  
檀歌偕袁叔英作流泉出峽風雨孔路轉峯回石  
徑陡老檀高據蒼崖巔孤根似鐵輪囷泉聲樹  
色雨奇絕怒挺芴根復拘折空中撐拄常寺門場  
來仰眦驚人魂凌霄五幹俯危石骨節玲瓏葉凝  
碧滿眼空翠何紛紛萬古不知雪霜厄我疑蓬島  
來飛仙大還丹好畱童顏又疑巨靈伸五指擘破  
青山石皆紫離披綠影搖晴霞樛枝天矯如龍蛇  
長風埽天潑濃黛峯頂亂拂青蓮花巖前卓立誰  
位置俯視羣卉真兒戲問盡興亡等剎那幾經兵  
燹仍蒼翠檀兮檀兮雨露偏空山養晦得氣先涓  
涓明月一池水瀦漱靈物畱千年豐碑追溯秦漢  
樹喬柯貞葉飽煙霧累代未敢加斧斤定知山靈  
久呵護我來環翠作臥游尋奇選勝攜賓儔夜闌  
皓月半空照碧  
雲長瀉千山秋



遇石髓處

案杜鴻漸百巖寺碑云廚北靈泉利用之極也卽指此又云凝冬不涸永日清暑盈虛應期漱浣流惡者是也

明月泉 卽長泉水經注云源出白鹿山東南伏流逕一十三里重源溶發於鄧城西北世亦謂之重泉水也今案水出寺內客堂後巖壁之下西穿竹徑由佛殿西屈曲南流漱老檀之根而下其聲琤琮然沿山砌石爲渠導之南流以資東山灌溉出山至石河卽伏

見山川金王宏詩見金石

白鹿 在明月泉西石壁上高三丈許下多叢竹隋



盧思道西征記曰孤巖秀出上有石自然爲鹿形  
遠視皎然獨立厥狀明淨不類人工故此山以白  
鹿爲稱

避暑臺 在寺西漢獻帝爲山陽公嘗避暑於此有

廢址今改文昌閣

石刻見金石

劉靈醒酒臺 在避暑臺西橫石一片長二丈餘闊

丈許俯臨絕壑其石東首高起直立如几醉臥相

倚有若隱囊宋曹涇就橫石大書醒酒臺淬劍池

鐫於其上

宋曹涇石刻金王宏詩均見金石 國朝邑人范正宗劉伯倫醒酒臺詩伯倫

性嗜酒醒酒者何爲想亦偶然爾後人因命之格  
中潦倒日枕上太平時有夢惟求穩松風不用吹  
教諭田發醒酒臺詩翠壁升崖天半開七賢會



嵇康淬劒池 在酤酒臺下方廣踰數丈天門瀑布

注其中四時不涸相傳鍛竈在其旁今廢太平寰

宇記百家巖上有精舍又有鍛竈處所云嵇康所

居宋曹涇石刻金王宏詩均見金石金李俊民

林下遊一書交盡絕既無當世志安用三尺鐵頻

頻石上磨神光浸秋月可憐弱疏甚自謀何太拙

危絃發哀彈幽憤終莫洩死畱身後名有愧侍中

血明李濂淬劒池詩廣陵誰續鳴琴譜甯邑猶

傳淬劒池何事蘇門問教後一年三秀羨靈芝

孫登長嘯臺 魏氏春秋曰阮籍見孫登長嘯有鳳

凰集登所隱之處案圖經云巖有劉伶醒酒臺孫

登長嘯臺阮氏竹林嵇康淬劒池並在寺之左右

又林提學詠嘯臺稠禪師庵詩連類而及亦必相



距井遙蕭家芝募施齋田記云明月池左攀藤而  
上稍東有石如几案布席可坐數人曰鳳凰臺蓋  
卽取魏氏春秋語而名之也今由僧廚之東攀陟  
石壁及巖腰復得平坦地寬丈許最爲高峻發響  
無翳所謂嘯臺者是矣

金王宏詩  
見金石

案唐杜鴻漸百巖寺碑云奇檀修竹嵇竈孫臺鄧  
封遺堆玉仙餘水鄧封無可攷玉仙水疑指玉女  
泉而言至嵇竈孫臺唐時猶有之益信七賢流連  
於此山孫登長嘯固不專在蘇門也

千佛洞 在稠禪師庵東石壁上巖石凹入像藏其



稠禪師庵 在寺西巖上巖石缺處構瓦室一間

猿亦愁攀陟天門瀑布由庵右而下如珠簾然巖

閒石罅多龍鬚草葉纖而長隨風荏苒狀若龍髯

它山所無也

稠禪師考見方外金王宏詩見金石

靜林深四面峯自宜仙梵有神蹤禪翁示寂先生隱虎迹鸞音豈易逢

天門瀑布 白百巖西壁飛灑而下由西白澗循石

壁下行負巖而立若垂珠簾涓滴不絕值夏秋多

雨山水迅發懸流下注瀑聲如雷一團白霧倏上

山半倏落澗底論者謂瀑布之壯雁宕大龍湫而

外此為最焉

唐令朝陽瀑布泉詩潺湲半空裏霜落石房邊風激珠光碎山鼓練影偏



急流難起浪遊沫祇如煙自古惟今日淒涼一片  
 泉 婁縣姚椿天門瀑布歌太行雲氣入天白西  
 出河東盡河北橫空忽作玉虹飛倒捲青山成匹  
 帛百家巖寺天下奇寺藏山中人不知征車犂确  
 望孤塔痠馬蹠躑躅荒陂峻絕壁平地險夜臥  
 虛堂愁穿塹巨屏萬仞誰削成颯颯西風倚天劍  
 泉聲到處皆可聽道中望見今呈形高人自踞醒  
 酒石遊客閑登環翠亭聲如無聲色無色湘靈撫  
 徽夜歎息萬珮明珠撒不收天孫巧弄機絲織我  
 心題作小龍湫便是東南雁宕游振衣忽灑千年  
 雪躡屐來尋六月秋山靈厭客輕評覈手舉銀河  
 向空擲雨師一夜助沔沱橫漲奔流勢衝激亂摧  
 玉壁壓瓊簾生拔龍鬚跨蛟脊數丈以上純煙雲  
 無數黃流接飛白天公蓄奇無盡藏翻覆娛爾吟  
 詩腸明朝山靈謹謝  
 客回首幽谷空茫茫

解虎坪 舊志云在北山為稠禪師解虎處寺僧云

出寺東去南岡之半坡有大石曰解虎石是也李



瑤翠軒 在寺內弘仙福南室三楹知縣朱印補修

其軒左倚奇檀朱欄綠樹互相映帶明月泉由檀

根出寺寒溜玳玲遙望西澗古塔雜樹參差為寺

內第一勝境

西白澗 在佛塔北瀑布由澗內出山

唐韓愈題西白澗詩太行

之下清溪淺一水盤桓紆山轉千峯萬壑不可數  
吳草幽花幾曾見波中白石隱復明風翻不動浮  
雲輕翠巒玉女下雙鶴笑倚秋練開新晴又疑武  
陵溪上源桃花溪盡空潺湲幽泉開後透巖側噴  
珠漱玉相交喧羣猿見之走絕壁綠峯虛帶帶  
力鳴禽面面背人飛為是從來不相識杖藜固負  
仰面看礨石牽蘿錯移屐路窮山屈疑於遲迤邐  
屏開一重碧殘尊遇坐酒卽傾旋摘山果都無名  
題詩且欲盡佳句觸歌翻詠仙好成天門幽深十  
里西無奈落日催人歸誰能下屬天官事為我乞  
取須臾期上天無梯日不顧牢落歸來壇  
未暮閉門下馬一衾寒夢想魂馳在何處



案韓詩見吳志注云集中無又未詳所自來而詩筆殊與公不類疑後人僞作但詩云幽泉閒復透巖側又云天門幽深十里西以知塔旁之澗卽西白澗也

二樂臺 在西白澗內當瀑布橫石丈餘鐫二樂臺三大字於其上蓋取樂水樂山之意也

佛塔 在孝女崖上唐則天后時獲嘉縣張氏女殉身投崖而死其母朱四娘爲建塔於崖上旁植橡栗數十株山風晝起淒若深秋塔八級佛像四端好無比銘石筆法精勁似智永師寺僧移嵌寺中



觀音洞 在百家巖上巖石陡峭其上疑若無地矣  
乃由東山杖策而升巖上寬平東西里許北面數  
十弓外碧嶺嵒嶂數旁大所謂獅頭峯者即白  
鹿山之南麓也遙望山巔石縫中蒼翠點點審視  
皆柏路北有一泉坎不深而水特清冽東山居民  
資以汲飲謂之喫水泉西行路皆平坦約里餘至  
寺頭邨居民四五家壘石成屋耕山爲業屋前後  
列植烏桕數十株與世隔絕恍若桃源東北隅岳  
峙千尋於窗外西臨石澗其南首卽天門瀑布出  
邨而北遙望兩峯高峙其中缺處若門世謂之天



門也復轉東上升約二里迺得至洞闊丈餘高丈  
許內供觀音像口西北向石骨奇譎如龍攫獅踞  
觀音本泥塼粉於金夫定二十九年至明萬曆二  
十二年易以石洞旁有碑僧云昔洞前有殿兩座  
洞之上有坪距洞三十步許有玉皇廟今皆廢惜  
三面危峯障日無路可陟也

天門各詳  
見山川

玉女泉 在觀音洞北玉皇巖之西楚杜鴻漸碑王

仙餘水指此

天井 在玉皇巖之東麓檢谷聯廊南五十步深三  
丈圍圓二丈餘積潦可供鄉人汲飲泉距二棚樓

里許西有巨石百餘畝則七里有池矣



藥王洞

府志所云孫真人洞也在茱萸峯下洞深

八九丈內有石九丈如菴豆服之能已疾仰視有

石罅中嵌石罅長尺許罅外環列石缶十餘皆倒

懸其上自古相傳孫思邈嘗居此洞

金孫真人碑詳金石

藏梅寺

在山陽城內東偏今廢爲農田唯遺碑二

相距丈許一爲後魏山陽令苟祖歡造像一爲唐

開元閒尊勝陀羅尼經相傳王仙芝濮陽倡亂宛

句黃巢率羣盜應之嘗駐兵於此寺碑西南半里

法明寺中有大定三年勅賜法明禪院牒文石刻

迺藏梅寺廢而金人移建於彼也其西牆外嵌有



貞觀廿年造像小幢亦藏梅寺物

薛將軍祠 在縣南二十里王邨東其地四野平曠  
廟側微凹爲雨後田水所歸要亦旋消不成積潦  
相傳薛仁貴從征遼東唐太宗至此馬陷於淖仁  
貴救而出之後人立祠以誌其遺蹤也迄今自外  
以輒石磨壁祠內輒轟轟若隱雷理亦難解

案新唐書太宗本紀貞觀十九年二月如洛陽宮  
以伐高麗癸丑射虎於武德北山五月克遼東城  
九月班師舊唐書本紀二月上親統六軍發洛陽  
贈殷比干爲太師命所司封墓葺祠堂上自爲文



從行至安地頭將劉君以爲賊所圍仁貴救之手  
斬賊將遂知名及攻安市城著白衣先入賊盡披  
靡授游擊將軍高宗顯慶二年破高麗於貴端城  
明年封河東縣男又擊九姓於天山乾封初授右  
威衛大將軍封平陽郡公坐事徙象州開耀元年  
拜右領軍衛將軍代州都督卒贈左驍衛將軍據  
此則太宗發洛陽由武德而汲郡修武迺蹕路所  
經馬陷於淖賴仁貴之救事或有之乾隆四十七  
年重修廟碑敘三箭定天山後至高宗時山水夜  
突元武門二事旣屬顛錯至於稱薛王謂太宗爲  
蓋蘇文所困馬陷於渰王救駕遼東非河北九牽



引無稽矣

宋塔 在縣治南門內勝果寺西偏宋紹聖中建康

熙五十二年三月十七日塔頂現青白二氣如雲

越二日乃止勝果寺中唐時有南樓寺見餘

金石

唐錢起登勝果寺南樓雨中望嚴協律詩

微雨侵

晚陽連山半藏碧林端陟香榭雲外遲來

客孤邨

疑片煙去水生遠白但佳川原趣

不覺城

池夕更喜眼中人清光漸咫尺

埋旗冢 在縣西南小高邨東二里大可畝餘高丈

許其顛一石中有穿圍圓三尺相傳汴將拒蒙古

安營於此築以植旗者因冢再成上銳如磨臍土

人譌乎磨臍冢



大宋元年準馬鼎東具詳金龍石有長長石

劉海蟾入道歌石刻後人因壞劉海蟾像改稱海

蟾宮蓋長春以前無名號牒碑可憑也宮北有泉

俗名馬坊泉白石棚之下滲出匯為巨池南流入

誤傳為海蟾子洗丹處泉產石殼蟲其殼似沙土

結成長半寸許中有蟲如蠅負殼出半身游行水

中觸之即伏他水無之又宮前階石青色上有白

紋天然鰕形以水沃之色愈分明入道歌見金石

富覽亭 今廢失攷金李俊民富覽亭詩天於萬物豈私我領略風光天不嘆自古

山陽最佳處盡都分付與閒人

騫林觀 今廢道經天上有玉京山騫林觀金李俊民修武



騫林觀詩口口帶雨阻登臨往事看碑或騫林竊味詩  
可尋不是青牛洞中見人間何處有騫林  
語意首句因雨而未及登臨也次三四句按訪遺  
碑得青牛見於洞中故事故以騫林名觀則觀前  
有洞矣又案李俊民同濟之遊百家巖詩云老衲  
解回山下虎真人跨入洞中牛上句注云稠禪師  
下句注云陸真子事與此類今陸真山南有洞曰  
陸真洞李僉事濂記云洞深邃窈冥不可入聞其  
中有數丹竈洞前舊有六真觀今廢意卽騫林觀  
也惜陸真子不可考而青牛往事碑碣無存矣  
連理槐 在縣西二十里義門邨兩樹相去三步許

一丈之貴蓋古已長公殺家物乾隆間支襄



尚茂今具村幹骨立蓋五百餘年矣

古松 在縣北五十里真慶官道觀大可合抱去地  
二尺許卽分四歧亭亭直上可蔭半畝雍正十年  
知縣胡容榕周之以牆爲記云偃蹇蟠曲而上如  
車蓋如蚪龍是百餘年物迄今又百餘年輪囷離  
披蒼翠老勁洵奇觀也

人字柏 在縣西山陽城法明寺中其樹幹高丈餘  
圍二尺許上分二枝高聳徑直約三丈餘旁無細  
枝唯穴葉交錯旋繞二枝密不露體

三瑞亭 在西關大街康熙二十五年建時有苦泉  
變甘麥秀兩歧蓮開竝蒂三瑞事士民勒石頌知



縣李啟泰德政道光十二年重建於湯王廟內

明李濂甯邑記

乙巳暮春至甯邑甯邑者昔賢棲遲之區也出邑之北門二十里至清真觀閱邱長春所書劉海蟾

入道歌石刻觀前有古潭瑩澈如鏡相傳海蟾子

洗丹處也又十里抵山陽城一曰濁鹿城

山陽城濁鹿非一

城說詳沿革

漢獻帝之墓在焉曰禪陵魏曹丕逼帝受

禪奉帝爲山陽公居此陵之東五十步有漢帝廟

傾圮厓側正德初蜀人冷宗元爲邑令復其守陵

者二戶余至其處見孤冢如阜封鬣荒涼荆蔓蒙



子其月計山陽舊居者也分復得四屬系與一个  
尋訪遺蹟得一寺實七賢堂舊址蓋後人建堂於  
竹林以祀七賢者草莽中臥一斷碣隱隱有字可  
攷元末始改建山陽寺又曰竹林寺云七子當魏  
景元中政歸司馬氏時事日非懼禍及以茲地近  
許洛泉谷幽僻乃相率爲竹林之游以自放焉初  
七子之縱酒也實欲閉關沈晦冀免刑戮顧亦有  
弗能免者君子處世之大防其別有道乎余游山  
陽迢遞至六真山訪六真修煉之迹山南有洞曰  
六真洞深邃窈冥不可入聞其中有數丹竈洞前  
舊有六真觀今廢而新河之水自六真山合皇母



泉南流入吳澤陂六真者邱處機劉處元譚處端

王處一郝大通馬鈺也

案陸真早已見於水經注非因邱處機等得名說詳

山川

明薛瑄甯城懷古詩甯邑城南預水流勒

兵周武幾經秋黃崖石古煙雲合青口山深草樹

稠百佛漫存巖畔跡六真無復洞中遊

循良衛城今何在猶有高名千載留

### 李濂百家巖記

太行矗矗數千里雄跨河北諸郡而山之漸至隨

地得名其實皆太行也修武之北五十里有曰百

家巖者以巖下稍平可容百家也嘉靖乙巳春三

月余下天壇旋軫取道修武往觀百家巖之勝迺

由馬坊邨竝山北走度岡嶺數重失道入灌莽中

見泉自山下出經石澗流注於溪以上各坡天



愈進愈峻至其處則見飛峯疊巘懸崖峭壁連互起伏若迎若送若拱若揖若拒若闔堆蒼積翠煙霏冥濛不可勝窮太行穠秀此當爲冠而崇明寺

崇明寺攷  
詳寺觀

實據其勝土人謂之百家巖寺棚於高

齊唐稠禪師益拓大之

稠禪師考  
見方外

臺殿寮宇成壯

麗迺若冷然自山而下濺濺有聲穿佛殿之礎流入僧廚者王烈泉也一泓湛然影沈紺寒在佛殿之後者明月泉也朱欄碧牖當池之陽四面敞豁可凭可眺者環翠軒也壽佛殿之西有石如砥可坐而飲面對瀑布泉如千丈珠簾噴冰灑雪涼氣颯颯侵人肌骨者劉伶醒酒臺也臺下有池方廣



踰數丈泉出其中四時不涸者嵇康淬劍池也宋  
嘉定四年河北提刑曹涇楷書醞酒臺淬劍池六  
巨字刻石上廢址宛然有磴可躡者避暑樓也相  
傳漢獻帝爲山陽公時嘗避暑於此瀑布泉之旁  
有稠禪師庵庵左多生龍鬚草凡禱雨者率采之  
以塞瓶口它山所無也巖上有二洞千佛洞俗名苦禪

廟在稠禪師庵上而觀音洞迺在玉女泉下皆空

邃可居也王烈泉在伽藍殿後絕壁王烈遇石髓  
卽此也寺中有斷碑數十皆剝落不可讀所可見

者唐杜鴻漸元張琬

張琬碑在五里溝崇明寺二碑王惲馬子



長白存觀察業遊百家巖記

太行之山延袤數千里其在河北諸郡者西連王  
屋東跨蘇門羣巒羅若兒孫列岫布乎肘指支派  
所及隨地得名修武北五十里有曰百家巖亦太  
行之麓也余間茲巖之名久矣塵事紛擾成約屢  
愆覓勝境於夢緣局遊蹤於官守命展輒阻倚杖  
空延道光辛卯夏孟從事河朔得餘閒於休沐慰  
疇昔之睠懷迺於遊百泉之暇同廖雲初太守周  
石藩明府載偃行理取道山陽而張雲哇明府亦  
接踵偕來是日也宿霖放霽曉旭升暉指仄徑以



逶迤越繁林而蹀躞松竹交蔭綠映鬢眉禽鳥遞  
音清入心骨則見奇峯矗立峻巘疊呈若矯鶴之  
盤空若游龍之連互傷馬首而空翠欲滴迎人面  
而流雲不飛拓初地於三弓標崇巖之半腹爰開  
蘭若爲百家巖寺蓋勗於高齊稠禪師者也齊建  
送響梵自天來經樓懸支檻從林露於是信蒲團  
以結靜涉茗趣以茹齋暫就禪諮聊醒婆夢行將  
旋設香積同參看僕馬之皆欣喜腰腳之有助興  
復不淺捨車而徒由寺後尋幽窾攀欹危曲轉羊  
腸眾聯猱臂躡絕壁而頂猶峯壓顧來塗而足忽  
雲生同戎衣大山以登上至六七少憩遂至山



此清口計山清處雲霞佔人禱神并然如遺虛  
御風也浩浩乎如遺世登仙也游情未已陵谷獻  
諸塵顏俗狀不可久留影亂夕陽而歸及寺門矣  
至若水簾漣珠倒瀉幽澗聲夏琴瑟古音無茲是  
爲瀑布之泉老樹四合鬱乎蔥青虛牖序豁遠眺  
式凭是爲環翠之軒有石如砥淨拭莓苔泉神灑  
雪涼風入懷則劉伯倫醒酒之臺也寶氣騰霄光  
怪陸離威沸檻泉清且漣漪則嵇叔夜淬劍之池  
也玉礧深埋憑弔故侯蒼翳虧蔽層林鳥投則山  
陽公之避暑樓也前蹟云遙後賢難繼泐桓歷乎  
信宿幽寄眷夫神思歸當臥遊有如味欖嗟乎天



下名山之在通都大邑供才人之濟勝紀盛事以  
傳聞竇然而深跡窮芒屨青原未了澄契苔襟而  
學士大夫每以王事勤勞毋敢逸豫遂祇企煙光  
於天際摹粉本於壁間况百家巖僻在偏隅行勝  
妙及訪唐杜鴻漸之碑題亦不可得惟余與諸君  
子身託宦寄諾踐山期不羈絲竹之彈薄言紫芝  
之采雖云好事殊慙雅懷詎非茲巖之厚幸歟

陵墓

商

商冢 在縣東二里舊志武王伐商其子孫有來歸  
而死者葬於此明邑人范正脈商冢墓雲詩棠迎



漢

邊路

獻帝陵 在古漢山右小風邨順治十五年邑令卜永昇立禪陵碑於東關外題曰山陽榛莽用表荒陵疑冢孰歸天道神明每歲九月初九日邑令偕同官至碑下望陵遙祭乾隆五十五年河北鎮總兵官王普又於陵前建碑今存

後漢書建安二十五年三月改元延康冬十月乙卯皇帝遜位魏王丕爲天子奉帝爲山陽公邑一萬戶位在諸侯王上奏事不稱臣受詔不拜以大子車服郊祀天地宗廟祖臘皆如漢制都山陽之



卷五 四三  
一 蜀鹿城四皇子封王者皆降爲列侯

三 國志黃初元年十一月癸酉以河內之山陽邑  
萬戶奉漢帝爲山陽公行漢正朔以天子之禮郊  
祭上書不稱臣京都有事於太廟致胙封公之四  
子爲列侯

贊曰獻生不辰身播國屯終我四百永作虞夏  
後漢書魏青龍二年三月庚寅山陽公薨白遜位  
至薨十有四年年五十四諡孝獻皇帝八月壬申  
以漢天子禮儀葬於禪陵

三 國志明帝紀青龍二年三月庚寅山陽公薨帝

素服後表遣吏持節與護喪事乃其召行司以太



年告廟文帝廟廷謚山陽公爲漢文廟主司注  
帝傳曰帝變服率羣臣哀之使使持節行司徒太  
常和洽弔祭又使持節行大司空大司農崔林監  
護喪事詔曰蓋五帝之事尙矣仲尼盛稱堯舜巍  
巍蕩蕩之功者以爲禪代乃大聖之懿事也山陽  
公深識天祿永終之運禪位文皇帝以順天命先  
帝命公行漢正劔郊天祀祖以天子之禮言事不  
稱臣此舜事堯之義也昔放勳殂落四海如喪考  
妣遏密入音明喪葬之禮同於王者也今有司奏  
喪禮比諸侯王此豈古之遺制而先帝之至意哉  
今謚公漢孝獻皇帝使太尉具以一太牢告祠文



帝廟曰叙聞夫禮也者反本修古不忘厥初是以  
先代之君尊尊親親咸有尚焉今山陽公寢疾棄  
國有司建言喪紀之禮視諸侯王嚮惟山陽公昔  
知天命永終於己深觀歷數久在聖躬傳祚禪位  
尊我民主斯乃陶唐懿德之事也黃初受終命公  
于國行漢正朔郊天祀祖禮樂制度率乃漢舊斯  
亦舜禹明堂之義也上攷邃初皇極攸建允熙克  
讓莫罔于茲蓋予以繼志嗣訓爲孝臣以配命欽  
述爲忠故詩稱匪棘其猶聿追來孝書曰前人受  
命茲不忘大功嚮敢不奉承徽典以昭皇考之神  
靈今臣益山陽公曰孝獻皇帝冊贈重校命司走



司空持節弔券護喪光祿大鴻臚爲副將作大匠  
復土將軍營成陵墓及置百官羣吏車旗服章喪  
葬禮儀一如漢氏故事喪葬所供羣官之費皆仰  
大司農立其後嗣爲山陽公以通三恪永爲魏賓  
於是贈冊曰嗚呼昔皇天降戾于漢俾逆臣董卓  
播厥凶虐焚滅京都劫遷大駕于時六合雲擾姦  
雄燦起帝自西京徂唯求定臻茲洛邑疇咨聖賢  
聿改乘輿又遷許昌武皇帝是依歲在元楊皇師  
肇征迄于鶉尾十有八載羣寇殲殄九域咸乂惟  
帝念功祚茲魏國大啟土宇爰及文皇帝齊聖廣  
淵仁聲旁流柔遠能邇殊俗向義乾精承祚坤靈



吐曜稽極玉衡允膺歷數度于軌儀克厭帝心乃  
仰欽七政俯察五典弗采四嶽之謀不俟師錫之  
舉幽贊神明承天禪位祚建朕躬統承洪業蓋聞  
昔帝堯元愷既舉凶族未流登舜百揆然後百揆  
時序內平外成授位明堂退終天祿故能冠德百  
王表功嵩嶽自往迄今彌歷七代歲暨三千而大  
運來復庸命底績纂我民主作建皇極念重光紹  
咸池繼韶夏超羣后之遐蹤邈商周之懋德可謂  
高朗令終昭明洪烈之懿盛者矣非夫漢魏與天  
地合德與四時合信動順民神格于上下其孰能  
至于此乎



誤恭述皇考先靈遺意同崇宏謚奉成聖美以章  
希世同符之隆以傳億載不朽之榮而有所靈嘉  
茲宏休嗚呼哀哉八月壬申葬於山陽國陵曰禪  
陵置園邑葬之日帝制錫衰弁經哭之慟適孫桂  
氏鄉侯康嗣立爲山陽公

三國志王肅傳青龍中山陽公薨漢主也肅上疏  
曰昔唐禪虞虞禪夏皆終三年之喪然後踐天子  
之尊是以帝號無虧君禮猶存今山陽公承順天  
命允答民望進禪大魏退處賓位公之奉魏不敢  
不盡節魏之待公優崇而不臣及至其薨輿斂之  
制輿徒之節皆同之於王者是故遠近歸仁以爲



盛美且漢總帝王之號號曰皇帝有別稱帝無別稱皇則皇是其垂輕者也故當高祖之時上無二王其父見在而使稱皇明非二王之嫌也況今以贈終可使稱皇以配其謚明帝不從使稱皇乃追謚曰漢孝獻皇帝

後漢書獻帝紀注帝王世紀曰禪陵在潁鹿城西北十里在今懷州修武縣北二十五里陵高二丈周回二百步劉澄之地記云以漢禪魏故以名焉續漢書禮儀志注獻帝禪陵帝王世紀曰不起墳深五丈前堂方一丈八尺後堂方一丈五尺角廣



去雒陽三百一十里

案獻帝紀太子早卒孫康立五十一年晉太康六年薨子瑾立四年太康十年薨子秋立二十年永嘉中死寇難俱不詳葬處今禪陵南北有二冢意太子猶葬洛陽劉秋歸骨無攷二冢其康瑾墓歟  
獻穆曹皇后合葬禪陵

三國志武帝紀建安十八年秋七月天子娉公三女爲貴人少者待年於國注獻帝起居注曰使使持節行太常大司農安陽亭侯王邑齎璧帛元纁絹五萬匹之類納娉介者五人皆以議郎行大夫



事副介一人

廿九年注獻帝起居注曰使行太常事大司農安陽侯王邑與宗正劉艾皆持節介者五人齋東帟駟馬及給事黃門侍郎掖廷丞中常侍十一人迎二貴人於魏公國二月癸亥又於魏公宗廟授二貴人印綬甲子詣魏公宮延秋門迎貴人升車魏遣郎中令少府博士御府乘黃殿令丞相掾屬侍送貴人癸酉二貴人至沛倉中遣侍中丹將穴從虎賁前後駱驛往迎之乙亥二貴人入宮御史大夫中二千石將大夫議郎會殿中魏國二卿及侍

中中郎二人與漢公卿並升殿宴



二十一年春正月天子立公中女爲皇后

三國志陳留王奂景元元年夏六月己未故漢獻帝夫人節薨帝臨于華林園使使持節追諡夫人爲獻穆皇后及葬車服制度皆如漢氏故事

後漢書皇后紀獻穆曹皇后諱節魏公曹操之中女也建安十八年操進三女憲節華爲夫人聘以束帛元纁五萬匹小者待年於國十九年並拜爲貴人及伏皇后被弑明年立節爲皇后魏受禪遣使求璽綬后怒不與如此數輩后乃呼使者入親數護之以璽抵軒下因涕泣橫流曰天不祚爾左右皆莫能仰視后在位七年魏氏旣立以后爲山



陽公夫人自後四十一年魏景初元年薨合葬禪陵車服禮儀皆依漢制

曹妃冢 在秦莊西北里許未知曹妃何代人或卽

獻帝所封貴人曹操三女中之一歟

采訪

邑貢生張六計漢獻帝陵墓址記

略云獻帝陵據邑乘在縣北古漢山圓至各九十多步廣袤共三萬二千四百餘步積年來爲居人隱占止畱居中一坏土又爲牛羊踐蹋雖重陽有祀不過餽羊故事而已邑侯陳公莅事親詣帝陵丈量明白標以石柱無何解任去前之侵盜者復囑堯乎幸勿矣是上秦隼決去豪不假貸漢陵里故



通志錄身嘗過其地作絕句以弔之曰披史何

須氣不平到頭公道自分明漢陵春草年年綠疑

冢榛荆何處生蓋慨之也恐後之人日久侵削而

兩賢侯維持保護之功不彰故表而出之以俟載

筆采錄焉

國朝邑人范正脈漢陵春草詩昔渡銅臺水不聞歌吹聲西陵寂寞路一據

草間生

仁義冢

附

在山陽城北半里相傳為漢時范巨卿

張元伯之墓東冢微高西冢微低正中設石案一

完整如故

采訪

案後漢書范式傳字巨卿山陽金鄉人也一名汜

少游太學為諸生與汝南張劭為友劭字元伯式



仕爲郡功曹後元伯卒式忽夢見元伯元冕垂纓  
凝而呼曰巨卿吾以某日死當以爾時葬永歸黃  
泉子未我忘豈能相及式悅然覺寤便服朋友之  
服投其葬日馳往赴之式未及到而喪已發引既  
至壙將窆而柩不肯進其母撫之曰元伯豈有望  
邪遂停柩移時迺見有素車白馬號哭而來其母  
望之曰是必范巨卿也巨卿旣至叩喪言曰行矣  
元伯死生異路永從此辭會葬者千人咸爲揮涕  
式因執紼而引柩於是迺前式遂畱止冢次爲修  
墳樹然後迺去後到京師受業太學時諸生長沙  
陳平子亦司在學與式未相見而平子皮衣等入



謂妻曰吾聞山陽范巨卿烈士也可曰託死吾殯  
後但以屍埋巨卿戶前迺裂素爲書曰遺巨卿時  
式出行適還省書見瘞愴然感之迺營護平子妻  
兒身自送喪於臨湘委素書於柩上哭別而去云  
云後遷廬江太守卒於官據此則范張之歿非同  
地同時式卒官自必歸葬亦難引之修武又案阮  
元小滄溟筆談卷三乾隆丙申膠州崔儒畧得范  
式碑篆額於濟寧龍門坊水口越五年黃司馬易  
得泰安趙相國家藏宋拓本又六年州人李鐵橋  
竟獲原碑殘石於學宮碑在此自墓亦在此而舊  
志謂范式墓在修武其誤不待辨而明矣



羊角哀冢

附

在待王路之後夏莊

案太平御覽卷四百二十二引烈士傳曰羊角哀  
左伯桃二人相與爲死友欲仕於楚道遙山阻遇  
雨雪不得行飢寒無計自度不俱生也伯桃謂角  
哀曰天不我與深山窮谷併在一人可得生若俱  
死之後骸骨莫收內手捫心知不如子生恐無益  
而弃子之器能我樂在樹中角哀聽伯桃入樹中  
而死得衣糧前至楚楚丕王愛角哀之賢嘉其義  
以上卿禮葬之角哀夢見伯桃曰蒙子之恩而獲  
厚葬然正苦荆將軍冢相比欲役使吾吾不能聽  
也與連戰不勝今月十五日當大戰以決勝負



子則勝否則負矣角哀至期日陳兵馬詣其冢上  
作桐人自殺下而從之君子曰執義可謂壯矣又  
四百九卷引列士傳曰哀迺加兵未知勝否云我  
向地下看之遂自刎死本文未詳何國人楚王旣  
以禮葬伯桃則其墓當在楚地哀之殉友亦其地  
也六國時修武地屬魏不屬楚存疑俟考

蘭相如墓

舊志在城西二十里蘇蘭邨

案史記本傳相如趙人僞言秦與趙兵相距長平  
時相如病篤而不言其卒葬邨名蘇蘭蘇亦無考

晉

習鑿齒墓

附

在城南四里習邨太平寰宇記習鑿



齒墓在縣西南太平鄉注一作郡

案晉書本傳習鑿齒字彥威襄陽人也宗族富盛世爲鄉豪鑿齒爲滎陽太守旣罷郡歸著漢晉春秋凡五十四卷後以腳疾遂廢於里巷及襄陽陷於苻堅堅素聞其名輿而致焉俄以疾歸襄陽尋而襄鄧反正朝廷欲徵鑿齒使典國史會卒不果據此則習鑿齒墓當在襄陽寰宇記不知何本又吳志攷輿圖備攷廣輿記鑿齒墓在分宜縣云遊苻堅寓此卒晉史旣無遊堅事且袁州府與襄陽相去甚遠恐亦未確也

金城家附

在城西待王路趙張弓邱無攷宋



雙冢附 在北孔莊萬斛邨之間巋然雙峙觀其形

勢非尋常冢墓采訪

延陵冢附 在縣南薛延陵前南北共有八冢東五

冢西二冢連亘里許其南一冢離二里許在武陟

境內均高一二丈鄰近九邨皆以延陵名似爲王

侯之冢惜難攷時代矣采訪

又宋李石續博物志齊時有發古冢得銘云青州

世子東海女郎河東賈昊以爲司馬越女嫁爲荀

晞子婦檢之果然案荀晞修武人所云古冢不知

卽在縣境否

又元好問蘧然子墓碣銘辛敬之被掠而北爲非



類所困折死於山陽墓亦失攷

唐

韓坡 在青龍嶺前上有一冢周圍約三丈許高七

八尺居人傳爲韓文公墓諺有云霜不打韓坡嚴

冬霜降墓上草自青蔥前後左右數百畝中竝無

霜色亦一奇也明趙侍御旭錄陳眉公偃曝餘談

云修武縣西北三十里曰南陽韓公之故里也居

人呼其地曰韓莊又曰韓邨愈自上世居此今安

陽城無韓莊韓邨之名而別有韓莊在安陽城東

北十餘里有韓邨在安陽城正南三十里非安陽

城之謂也邑舉人王玉佐詩云韓氏莊藏古廟西



相傳有家是昌黎夫曰相傳則明已無碑矣特由

唐迄今不絕人口因詳錄之以俟後人攷論云爾

衛審符墓

在孔莊有碑

全文見列傳

郇王冢

相傳在郇封案新唐書十門驛被竊後追故封陪

傳素管追逮至龍乾陵則此係謠傳

宋

蘇立墓

在魏邨東有碑

全文見列傳

劉毅肅公昌祚墓

在伏珠坡北麓舊誌不載惟勝

果寺鍾款載修武縣伏珠山毅肅公墳寵勛院鍾

案宋史劉昌祚真定人禦夏寇有功仕至武康節

度使卒諡毅肅百家巖東嶺經幢亦載毅肅遺表

為道凝請賜紫衣或修武為昌祚舊遊之地真定



故里既沒於金遂葬於此抑朝廷賜以葬地如元  
郝經之賜地河陽均未可知今伏珠坡後山塙西  
距新莊溝邨里許竝列石龜跗三首皆北向龜南  
有殘碑堆積叢莽中其爲墳壠之所無疑因爲封  
其墓焉北去四十弓許田畝綠色琉璃瓦片蓋  
卽昔之寵勛院也又案昌祚墓誌銘爲張舜民護  
俟得宋杜大珪名臣碑傳琬炎集常請攷之

元

許惠和公通墓 在山澗西北公文正公父也文正  
公有感詩云何如早還歸山陽墳壠在卽指此

李天祐墓 在義門邨



元吳曦武略將軍李公天佑墓碑

前二十年余在江南有傳至元初旣被襄陽時李君佑爲都鎮撫率驍勇千人登戰艦橫出江口南人聯船以待公持長矛鉤其纜而兵之獨斬百餘級余聞而識之猶未得其事之詳也今年余以武進士及第留京師客有願且老訪余言曰世忠故將軍字君佑者之子也先人卒今三十五年葬又三十二年未有銘願因先生銘之問之曰子能言先公之事乎迺曰世忠爲修武田門里人大父恩顯父仙畱皆不仕壬辰值兵徙冀州州使右副元帥張公見先人甫十歲兒貌甚秀偉勸令就學學



成因妻之女始以軍功得官百戶攻蔡州有功從  
擊釣魚山又有功轉上均州萬戶府都鎮撫從破  
襄陽至渡江積功受敦武校尉總管荆南迤北站  
赤千戶五年宣命爲武略將軍荆湖北道屯田總  
管募民能田者躬自督之尤善浚泄水利自得代  
曰吾老矣矣復官爲當歸問鄉社與故人子弟爲  
歲時豚蹄醑酒之樂耳未幾以疾不起至元二十  
八年九月六日也享年七十有一攢棺荆南又三  
年兄世榮及世忠扶棺歸卜兆於故祖塋之側以  
兩夫人祔前夫人張氏卒再娶夫人妹亦先卒子  
男七人孫男二十一人曾孫六人公名天佑狀兩



公處富貴如貧賤時公於己而忠於人靡而寬勇  
而斷出入行陳閒三十餘年自非臨戰陳當鋒刃  
下未嘗妄殺一人所獲俘累或祈脫命輒釋之嗚  
呼天之所以佑李氏者豈偶然者邪銘曰惟至元  
初論諸將功如風天下如雷域中天戈之南長江  
爲空公時麾下獨先羣雄非勇其勇而勇於忠名  
成事定富貴則崇吾聞古語謂兵爲凶能活千人  
後當必封如李公者不嫌於躬是宜子孫秀之所  
鍾書銘墓前以昭無窮

逢魯曾墓 在承恩鎮北有碑

薛澍墓 在郇封邨有碑

見金石



明

崔謙墓

在府城邨有碑今亡

崔讓墓

在府城邨有碑今亡

劉幹墓

在府城邨有碑今亡

牛斗墓

在山陽城之西北隅有謀其兆者將墓址

平滅斷碑毀棄未及開壟而設謀者之子孫絕世

矣

宋訪

王鐸墓

在府城邨有碑

見人物

王懋墓

在府城邨

明縣人韓俊謨中議大夫王公懋墓表

略云公性嚴介與物寡合初授廣東化州州判民



與洞聚居歲被擄公至交以信結以恩黎民遂  
大服大吏以爲能委督運公渡南海瓊崖僑寓無  
不徧歷事定而民不擾宣德間丁母憂歸服闋除  
南直隸通州州判州多豪賈以販私鹽爲業連船  
結艦出沒江上與官軍爲敵朝廷命刑部侍郎何  
公文淵理其事文淵至悉委之公公默訪其尤者  
十餘人擒獲之悉置於法遂屏跡正統間擢山東  
海豐縣知縣公曰吾始得展布四體矣遂懲游惰  
別善惡四時之正俱有條教專務以德化人踰三  
載邑大治無何有反側子以妖言事訟公詔致刑  
部海豐鄰境陽信霑化慶雲等縣民謂海豐民曰



汝縣不要王知縣耶於是海豐同各縣之民俱詣闕上章願公宰其邑且明反側之誣公遂釋回正統九年朝覲所司舉公廉能著稱治行超卓爲天下第一詔賜錦衣一襲鈔幣五百貫宴於禮部壘書褒美旋陞陝西西安府知府海豐之民扶老攜幼號哭而餞者萬餘人公至西安以施於海豐者施於西安西安大郡庶務蠲集公剖決如流事無壅滯甫三載疾作告歸田里景泰某年八月卒於正寢享年五十有八訃聞海豐父老數千人聚哭於城隍廟三歲迺罷葬先塋側

王愈墓

在府城即舊縣人



王璠墓 在府城邨有碑

明溫縣教諭晉城司牧譔亞中大夫安慶府知府  
王公璠墓表

先生姓王氏諱璠字文璠世爲修武靈泉鄉人祖  
鐸洪武丁丑乙榜累官金華府知府父懋永樂甲  
辰進士累官西安府知府俱有能聲爲一時良牧  
江西道監察御史永樂戊戌進士曰愈者先生之  
伯父也先生資性穎悟才氣通敏嗜學不倦諸書  
無不涉獵尤精於易爲文章氣直詞健而根於理  
登天順庚辰進士初授刑部四川司主事先生究  
心律學凡有疑獄反覆推明必得其真用刑平恕



不濫及無辜苟法有所不容者雖權貴亦不輕貸  
繼母張氏卒先生哀毀踰禮卽日奔喪抵家與其  
弟成化戊子舉人琮閉門不出四方來學者接踵  
而至牧亦在門下先生日與講明性理弟子多所  
造就相繼登科第服闋擢本司員外郎尋擢安慶  
府知府下車後首興學校育人材士風丕振召耆  
老於堂下懇求民隱彊者劓之弱者恤之善民者  
撫安之安慶之士稱之曰吾之賢大夫也安慶之  
民頌之曰吾之賢父母也時巡撫牟公與先生不  
合先生輒求歸不許其年當朝覲先生北上民之  
老少戀戀不舍考最畢於部堂力以疾拜吏部拜



公都憲王公勸止之先生回至臨清移檄安慶浩  
然歸家或策馬於太行之陽或放舟於沁水之曲  
觸景賦詩以適性情有詩文集若干一日疾作竟  
不起迺成化二十一年八月十日也享年六十三  
歲配李氏封宜人山東樂陵縣李善之女有淑德  
後先生五年卒其子纘以牧在門下二年知先生  
者莫如牧求書諸石嗚呼先生典刑而無冤獄作  
郡而有遺愛榮哀可紀故次第而書諸墓

韓儼墓 在苟邨有碑

明大學士邱濬謨婺源知縣韓君敬夫墓誌銘

略云予交游徧海內其相知深而最久者韓君敬



夫其一也予以歲戊辰游太學與敬夫爲同舍於  
稠人中獨加敬敬夫敬夫幼隨其父宦遊南北多  
所見聞與人談娓娓可聽後因敬夫識其弟彥夫  
予官翰林其昆仲來京師輒過焉敬夫以舍選爲  
徽之婺源縣令縣多大族役屬其細民敬夫一以  
齊民視之不復論其彊弱富貧一以是非曲直斷  
之故邑人始駭而譁逮其久也益敬服焉在任五  
年致仕歸與故舊徜徉田里閒未嘗以事之官府  
鄉人子弟有求見者各隨其分與之言學者示以  
立身行己之要若農若商因所業而誨之人人歸  
各有所得家居五年以成化某年月日卒於家年



五十有七君諱儼敬夫其字也其先陽川人宋世  
徙河南之修武曾祖祖某父茂官開州吏目母某  
氏君性孝友事其父吏目公色養備至吏目官開  
州爲州人所稱譽得君蚤助爲多君與其弟彥夫  
朝夕相切磋繼起領鄉薦鄉人從者甚眾幼隨父  
宦在開最久凡大名一州七縣之士夫皆相與往  
來而與今威寧伯王公世昌雅相好晚年解組而  
彥夫亦以鳳翔府教授致仕歸兄弟白首相周旋  
怡怡如也君卒郡中士夫聞之皆盡然以傷君配  
蘇氏生子四棐棠集柏女三孫男二棠將以君卒  
之年月葬君於山之原致書求墓銘敬夫予老友



也故不辭而與之以銘銘曰吁此幽堂藏吾老友  
吾昭以銘庶其不朽

韓俊墓 在苟邨

張玘墓 在東邨有碑

國朝縣人薛鑄謨戶部員外郎張公墓記

公諱玘字士玉世爲修武縣孝義鄉五里東邨人  
先世躬耕太行公生而仁厚篤志嗜學淹貫經史  
與邑人翰林趙公銳知府王公璠同登景泰庚辰  
進士官戶部員外郎清修苦節卒官貧不能葬戚  
友爲舉其喪噫鑄居太行之麓有別墅曰洞子澗  
而東邨則公之所居也鑄每登山必慨然歎



曰公之生也文章政事聲施當時位列大夫可謂榮矣今也槨葬行山不封不樹土石參差荆榛荒蕪公何不幸至此哉千載後又何以識公之所在也爰捐資立石表揚前哲使後之議祀典者有所攷焉

趙銳墓 在縣西北隅有碑

閻孫墓 在田門邨

崔鏞墓 在田門邨

王琳墓 在鳳凰山後

周璲墓 在平陵邨

姜郃墓 在縣西南隅



明大學士許讚謨中順大夫姜公鄙李淑人合葬墓表

略云先府君尚書襄毅公有故人曰蔚州太守修武姜公鄙者卒三十餘年矣其子岑持狀如京師請曰願一言以表先人墓用垂不朽余嘉其義其曷辭案狀公諱鄙字宗武號春庵性穎敏英毅年未冠卽博通經史百家與襄毅公同領天順壬午鄉薦試禮闈弗售遂卒業太學成化甲辰銓曹以公爲直隸撫宣令撫宣久敝公至揚休剔蠹修廢舉墜有陳知府者下令違民好公堅執不行讓言至公面爭無撓知府慚之公毅然曰官可去決不



阿附以病民竟不行曾疏請增先聖孔子父  
梁紇大夫頗無繇孔鯉祀典及鉏姦革弊數事雖  
見忤於權姦而終爲識者取重吏部以公名錄於  
屏將大用矣適有例凡年六十不與科道人欲居  
是官者年甲率皆減削公以實書吏部欲公減年  
以進公執不從止擢山西蔚州守撫宣人攀雷避  
道不得迺爲文樹碑頌德列名宦祠公之治蔚也  
蔚爲臨邊用武地文事不振公興學育才士皆向  
化瑞穀產於郡境有一莖三四穗者議者以爲德  
政所感宣郡有齊祿者殺人繫獄累年不決公素  
明達果斷御史邊公廉其能檄公往勘一訊卽得



其情遠近以神明呼之公兩任守令屢被都御史  
唐公恂御史陳公璧王公璟郭公鏞以賢能薦前  
後旌卓異者太宏治壬戌公以九年秩滿例別調  
用蔚民傅文玘等千餘人赴闕泣留御史韓春以  
民情上達上重公特加二級仍令復任嗚呼公之  
得民如此雖史稱寇恂守潁川不是過矣後因修  
堡有功天子賜綵緞乙丑吏部方賢舉公公自謂  
年踰七十在禮致仕卽抗疏求歸民不忍  
其去迺立遺愛碑及生祠丙寅武宗即位詔進一  
級例授中順大夫家居嘗倣古置祭義二田正德  
某年月日無疾而卒享年八十嗚呼公以一郡縣



之吏而能摧姦樹良分布寬政小民奔走赴闕吏交章屢薦如此至矣予幼侍襄毅公嘗曰吾友姜公蓋特達英偉之士由今觀之不其信邪惜其未經大受以展厥施而沈淪郡縣終焉非天限之而然邪雖然陳仲弓爲太邱長名重一時當其時豈無貴官大職得行其志者然天下後世之所仰慕者迺在此不在彼公之德政昭著於人之耳目卽今所仕之地春秋祀公則天下後世之所以慕公者又不但太邱已也而謂天之限公可乎公父昀字啟華號裕齋以鄉薦授山東棲霞令陞四川藩經歷有政績昀父文剛文剛父仁隱德不仕公



配李氏幽嫺貞靜與公偕德正德某年月日卒壽七十有五子三孫男九孫女四

馬瀾墓 在南關丹河西有碑

明禮部侍郎何塘謨昌樂令馬公瀾墓表

士君子樹令譽於當時流高風於後世者在節行之有無如何耳爵位之崇卑不計也昔陶淵明爲彭澤縣令郡督郵至吏白當束帶見之淵明歎曰安能爲五斗米折腰事鄉里小兒遂解印去賦歸去來辭以見意自晉至今蓋千有餘年矣而清風高節稱之者不衰若昌樂令馬公其殆淵明之

風而與也者乎公諱瀾山鄉進士授昌樂令廉能



公勤爲縉紳名公所重管易州山廠亞卿劉公張  
公及藩臬諸公咸稱舉之遷擢可計日待公一旦  
慨然以病乞致仕去或問其故曰吾聞知足不辱  
知止不殆吾起布衣官至有民社之寄居位食祿  
踰六七年於吾足矣人生貴適志耳安能以孱弱  
之軀而久勞於此乎巡案趙公亦難公去畱之不  
可得也迺令昌樂有司以禮起送仍復行文公原  
籍修武縣令有司以禮相待旣歸迺歲延公爲鄉  
飲大賓在賓席者凡十年至嘉靖某年月日以壽  
終曾祖祖父某俱隱德不耀至公始自奮業儒讀  
書不倦雖小兒戲附其背擾之不輟也體羸瘵復



有痰疾日止一食然力學不廢宏治甲子始領鄉薦累試禮部不第迺銓昌樂知縣公性孝友父病嘗糞甘苦及卒哀毀踰禮公病革時母盧氏猶在堂年八十六以不得送終爲恨第監生澍有文名公待之曲有恩禮季弟渭早卒遺女二公撫養之如己出及長皆擇名門嫁之公生成化某年月日享年六十有三公之子材以嘉靖某年月日葬公於先塋之次旣請余爲誌矣後四年復請予言以表公墓予謂公刻苦之學孝友之行廉能之政皆可稱述而知足勇退同符古人可以激貪而起懦者尤不易及故持表而出之且爲之銘以告來者



公高蹤竝邁百里花封視如遺芥息駕林中抗志  
霞外大數有終遠邇興慨茲惟公邱謁者再拜

明禮部侍郎何瑋撰修邑姬氏遷塋記

略云上舍姬朝用一日介其友張時望武道明偕  
來手一帙求文其先祖考妣墓石案狀姬氏世貴  
修武在縣治西五十里地名北秦邨今又名白家  
作其先坐在邨北二里許地廣三十餘畝洪武年  
前始祖葬焉後高祖及曾祖容福容寬祖彥皋父  
敬皆祔於塋地窄墓多昭穆紊亂朝用欲遷之未  
決無何母終天年次子姬湧選配宗室繁昌王第



四女柘城縣主儀賓不幸溘卒朝用遷墳之志遂  
決迺謀諸昆仲朝相等擇地於行山之陽距先塋  
一里築饗堂四楹立塋墓於西亦築饗堂四楹環  
以石牆牆有門路有石橋雜植樹木塋內外成林  
於七月迺啟朝用祖考彥皋祖妣張氏並考墓故  
妣榮氏及儀賓柩同日而遷葬焉塋以禮制穴按  
昭穆又念塋爲祖宗父母安魄之所生者必歸之  
地恐後混亂無紀於每墓各立石碣使其子孫世  
世拜掃祭奠有所考焉敢將一言勒石示後永爲  
家山不朽之光予尙念古之君子自修身齊家聲  
不有禮今之君子知謹於禮者鮮矣上念於死者



尊卑親疏之分尙恐其混亂思有以辨之況於生  
者乎夫聖賢之道理一分殊理一則同分殊則異  
日月星辰行列不可紊也山川草木同麗於地而  
高下流峙不可亂也禮也者本於天效於地者也  
故曰天高地下而禮制行矣先王制禮別尊卑親  
疏之分吾智力所不能及者固無可柰何矣其尙  
有可辨者亦安忍使之混亂無別哉上舍可謂知  
禮之君子矣上舍從子六曰濰曰潼生員曰汚曰  
汎曰泮曰沂孫則方來未已也嗚呼其尙念爾先  
人之用心而益思所以光大之哉嘉靖十四年歲  
次乙未夏四月十三日立



王玉鉉墓 在王褚西北有碑

郭檄墓 在周劉邨

張三就墓 在縣西待王鎮

范繼仁墓 在縣西南一里許有碑

劉志泉墓 宣陽驛人官豐縣典史墓前有碑其子

誠東光縣知縣孫夢龍永利教諭采訪

國朝

成觀光墓 在縣東南紙坊屯

陽城白印謨刑部主事成公墓誌銘

修武成姓其先自晉陽城徙居修武蓋久矣然自

公始用文章起家登順治丙戌進士上青原知縣



有善政陟刑部河南司主事當去官百姓難其代者攀援百計公不得已爲緩行歸道復過陽城祭其先人之墓致踰多月抵部坐遷延踰期謫官尋以病辭不就職蓋順治某年某月也余之友丁酉舉人公瑜字伯玉與公同族嘗爲余誦言公忠信彊直有古人風云順治十七年秋公年六十有五卒妻薛氏亦以其年冬卒年六十四明年公瑜自京師下第還往弔公於修武又明年爲康熙元年正月余在告里居公之子進走數百里介公瑜以幣來稽顙乞余銘將刻於其墓葬公余以弗識公於生也反其幣已迺徐手其狀而詢諸公瑜稍得



其大略謂公少績學爲諸生嘗一中庚午副科延  
禮於巨姓遇庚辰歲凶或勸之乞貸巨姓公恥不  
爲惟藜藿是甘而已其自守之賢如此治清源地  
僻民貧一行以悅安彊教使窮黎漸登贏裕時姜  
逆鼓亂山右無堅壘公率士民臥食城上七月屢  
挫賊鋒反側賴以消巡撫祝公世昌愛重之每舉  
以厲其寮屬故清源知縣某因賦稅缺額不得去  
公至竭力爲完逋負卒資之以行其治行之美又  
如是家居篤族屬嫁孤女育孤孫惠戚黨睦鄰友  
不自以爲德及遇其鄉士有疾苦弗克陳達者侃  
侃言之於公不少爲色沮其行事迄今世所難然



則伯玉忠信彊直之譽豈偶然哉其可以不銘  
諱觀光字賓王自號曰醇翁考諱某始祖陽城人  
遷修武者諱伯綱娶薛氏慈惠溫良克相夫子生  
子一卽進孫三琮璜璉墓在所居紙坊屯祖塋之  
次銘曰斯彼石鏡以文於洪河隈千秋而下忠信  
道貞墳永無頽

范正脈墓 在維仁墓側有碑

趙旭墓 在銳墓側有碑 全傳載人物

路永齡墓 在承恩鎮北

楊應琚謨順天府永清縣知縣路公暨元配王孺  
人繼配范孺人王孺人合葬墓誌銘



公諱永齡字彭年先大夫執友也昔公莅永清先大夫效力河干稱莫逆交不數年公解組歸里余從先大夫建節粵東音問杳然戊申歲公子眉有買舟南下亟詢公狀知仙遊已七載矣痛悼者久之越十年余奉

命監司隍中道經甯邑過義門邨謁公之靈東芻一奠備悉家貧歲歉奄喪未殯之由余問之不勝於邑辛酉歲公子眉有持狀至陝將以是年仲春之月葬公於邑西承恩鎮北乞銘於余余讀之輒不  
足以表揚前徽然公之碩德懿行惟余知之最稔焉敢以不文辭案公系出山右淩川自明始遷



祖待吾公爲邑庠生家貧好學教授生徒成就多人父人路公值革代之際立身清介博學好古以崇禎壬午孝廉終公淵源家學性嗜詩書少習舉子業年十六補博士弟子員二十二歲壬子登拔萃科又三年乙卯舉孝廉公少失怙事母孝歲時不登爲里中彊暴所侵備嘗坎坷與伯兄喬年公異室同產凡膏腴之田盡讓之蓋其孝友天性然也伯兄歿後敬姣如母雖犯不校其度量有過人者自乙卯至甲申閱三十年順天之永清縣其邑地瘠民貧蝗災水患歲不絕書而且徭役繁興民不堪命公下車案籍徐理百姓安堵甫至校士



不滿五十人公整理學宮延師督課俾人知讀書  
不數年英英鵲起者得三四百人邑有女巫蠱惑  
愚民時滿漢軍吏皆畏神而不畏法大爲地方風  
俗害公急差人捕獲之加以極刑一時聾聵悚然  
警醒有莊頭楊姓者夫良而婦婢婦因怒殺其家  
人孕婦其夫實不知也僉云妻有罪應坐本夫其  
人亦俯首無辭甘心伏辜公曰殺人者死固有常  
刑而不知不坐獨無明條乎卒斃其婦而免其夫  
邑人咸稱快云及退居林下猶不以散佚廢事重  
農桑敦孝友其儉樸之風不違初志尤好汲引後  
進每月供膳餼集邑之生童會交於庭寒暑不輟



公生順治八年四月一日酉時卒於康熙六十一年十月二日酉時享壽七十有二元配王孺人武陟候選通判王公維盤女賦性溫恭孝於翁姑甫二年而卒繼配范孺人邑庠生范公之煌女內則夙嫻持家有要越十餘歲而逝又繼配王孺人武陟世族文學王公敏女公歿後一切家政力爲支持俾其子專力向學范孺人遺女一以禮道嫁後公十餘年卒爰爲之銘銘曰佳城鬱鬱雲樹蒼蒼溫潤粹美金精玉光慈祥整肅春日秋霜善人天與卜世其昌鳳毛璀璨麟趾焜煌千秋萬禩永固金湯



趙三元墓 在鳳岡有碑

內閣學士兼禮部侍郎茹棻謨廣東鹽運使趙公墓誌銘

甲辰同年與

殿試者凡一百十有二人未三十年登仕版者不乏封疆卿貳然存者遂寥寥無幾今春趙海峯同年又歸道山嗣子遷踵門以墓誌請余遂不敢以不文辭案狀君姓趙氏名三元字海峯號雍北兄弟二人君居長世居河南修武縣之山陽城北曰小牆北邨其移家恩邨者自君祖公惠公始三世皆以君貴贈封如例君生數歲侯太淑人卽去世繼



母徐太淑人愛如已出君亦不知爲繼母也旋入  
邑庠食廩繇丁徐太淑人憂丁酉選拔是年遂中  
副車己亥領本省鄉薦甲辰成進士改授戶部主  
事丁張太淑人憂丁未服闋仍補戶部擢員外繼  
擢郎中兼理錢法堂事時滇銅解局四五運率缺  
額定例運員虧短至萬觔以上卽應交刑部審訊  
君獨沈思滇黔事同一例何以黔員皆得如額獨  
滇員虧短如許且又無運不然因備詢解員至領  
價裝運以及沿途水陸情形歷歷如繪終不得其  
缺額之由遂詢及發銅砒碼蓋滇省砒碼積久漸  
輕與局內收銅砒碼不符迺請於堂上官咨行滇



省另請砒碼較準飭兩竝爲奏定章程各員現短  
銅觔姑準回滇賠繳帶解歸款於是前後十餘運  
解員皆得免議蓋君在部用心平恕大率類此乙  
卯京察一等分發福建以道府用是年丁贈公坦  
齋先生憂旋里卜兆於北鳳岡新阡奉徐張兩太  
淑人耐焉而侯太淑人厝於祖塋之西南隅年久  
難以啟壙君於是作鳳岡阡表誌不能合葬之故  
己未服闋仍起福建候補署建寧府事發姦摘伏  
務得真情絕不肯迎合上司亦益以此見重嘗勘  
浦城張姓盜葬黃姓墳穴而黃陰發家匿其骨君  
屢勘得實遂毀張之僞契而懲黃之匿骨兩造於



是大服案內有張生翹者牽連絳誤君亟爲雪之  
張後領辛酉科鄉薦第一閩人至今傳頌焉庚申  
補糧道閩省向有畚民編戶另設畚保歲久與齊  
民無異每遇考試士人尙多異議君爲徧收羣籍  
律以今制竝無不應與試明文其事遂定是年畚  
民卽有入邑庠者事見君所著恕軒隨錄他如卹  
水災清社穀重修鰲峯書院渡臺清釐洋匪積案  
省釋無辜蓋君在閩凡四攝臬篆三經秋審故善  
政爲最夥丁卯本缺奉裁旋改補粵西左江道以  
護越南貢使入京蒙

恩獎諭有加晉攝粵西藩篆卽擢廣東運使會辦洋匪



朱漢投誠各案寬嚴得中務令商力不疲而民受實惠君自以佔畢書生一生孤立徒以拳拳之素上荷主知擢至監司行且嚮用思少展蘊蓄以圖報效而孰意竟以壬申正月二十四日卒於使署距其生六十有八歲配杜淑人子五人曰遷庚申恩科舉人現任工部屯田司員外郎曰邀庚午科舉人曰遠試用訓導曰适國學生曰達女一適仕族孫六皆業儒余於君爲同年計惟通籍後數年中得晨夕往還見其醇謹端慤語必出於至誠心竊儀之歲己酉余視學山右卽丁憂旋里而君亦以察外補側聞君益老成幹練器重上游足爲同謏



生色而宦轍東西中間闕絕者幾二十年庚午冬  
余方以奉天府丞內召得見其嗣子遷恂恂儒雅  
宛有中州家法而因以悉君近狀方謂君或以述  
職來都得重締舊好一傾積愫而今迺銘君之墓  
門也悲哉銘曰以君之才而不竟其施也於闕於  
粵蓋僕僕於奔馳也嗟伊人之永歿不覺涕洟之  
交頤也幸佳兒之成立又何愧五桂之枝也望迢  
迢之遠道魂氣固無不之也指鳳岡之新阡昔固  
卜之於地師也想靈旗之彷彿駢紫彪而乘文螭  
也

里甲



太平寰宇記修武縣舊十五鄉今五鄉

元鄉學碑有七賢六真孝義安信靈泉普門等鄉

碑存  
縣學

國朝懷慶知府紀誠疏修武縣原編戶六十里今併二十九里人逃而地漸荒土地已非其舊

邊憬舊志原編戶六十一里併二十九里

現今編戶十二里里有鄉約有鄉總有保長有保

正有甲長鄉約專司朔望宣講

聖諭鄉總管區分漕米倉穀保甲差徭並查報老民保

長管督催花戶完課並承辦雜役保正甲長管

造煙戶請領門牌稽查匪類



七里在城東街日一集

東門內 西門內 南門內 北門內 新街

十一里沿城路

郭東關 西關 王官莊 官驛 南關 劉橋

北關

鄉邨距祁莊半里東 劉莊半里祁 侯莊一里

城里數祁莊關正北 南壇一里牛 閻莊五里南

東牛莊一里南 忻莊三里尚 平政橋三里

北向樓一里王官 忻莊樓西北 李邨

南楊廠三里平政 三里屯三里官 王莊

三里屯 曹邨十里李 順城關一里北 趙廠一里王 馬道邨五里趙 釣

修代系志

卷三

輿地志 里甲

吳



臺營八里馬道

小樸十里釣臺

姜龐莊二里

南 小梁莊二里江龐

小韓邨三里小梁

正東路

距城秦廠二里城

京裏邨五里秦

千倉七里

邨正龐屯十里千

吳莊十里龐

柴莊十二里

莊東徐屯十三里柴

東新莊十五里徐

莊十五里新

秦莊十六里李

大李莊十五里

北 常莊十四里大

三義邨十二里常

坡邨

十里三義葛寺八里陂

常橋十五里葛

河橋八里常

預河灣二十里官

西馬廠二里

中馬廠二十五里西

東馬廠二十八里



東  
五里堡五里城  
鞏邨鋪十里五里  
葛莊

十二里鞏  
邨鋪東北  
王莊十三里葛  
里長屯十三里王

萬箱鋪二十里里  
長屯正東  
辭屯十六里萬  
萬箱二十

鋪正南  
里萬箱

五里東南路  
有集鎮二日宣陽驛日郇封

距城小紙坊五里城  
裕國莊十五里小  
文案

里數八里小紙  
小文案十二里文  
衛邨十六里小

坊正南  
小衛邨十七里衛  
宣陽驛十八里小  
田莊四

城東  
紙坊屯六里田  
郇封十二里紙  
彥門

南  
十八里郇  
軍莊十八里彥

四里正南路



距城郭屯三里城

武陳邨郭屯正南

蔣陳邨武陳邨東

南薛陳邨蔣陳邨東首

東陳邨薛陳邨東首俱五里

小營

十二里陳

焦莊十二里小營正東

雪莊十五里焦莊西南

史莊十五里雪莊東首

南柳莊十七里史莊正南

西常邨里十八

柳正

東常邨十八里西常邨正東

周劉城十五里黃邨

十六里周

王邨十八里黃邨正南

藍封邨二十里王邨東南

習邨七里城西南

段屯習邨西南

定交屯段屯正西傳屯

定交邨西南

南新莊十五里傳屯西南

東延陵閻

延陵王延陵

李延陵

夏延陵

五邨俱二十里新莊西南

張延陵

郭延陵

賈延陵

薛延陵

四邨俱二十一

里東延

劉范邨

高范邨

李范邨

三邨俱二十一



陵西  
韓邨  
西四里城  
范莊  
邨西里南  
南孟  
里范

莊西  
后董邨  
孟十五里南  
大梁莊  
西六里城  
孟

邨  
十里大梁  
窪邨  
邨十二里孟  
東常衛  
窪十五里西

南

二里西南路

距城  
前董邨  
十四里  
陳范橋  
十七里前  
劉范

橋  
十八里陳  
石范橋  
十七里劉  
南高邨  
二里

石范橋  
正南  
紀孟  
二十四里南  
北霍邨  
三十里紀

南霍邨  
北霍邨  
北睢邨  
三十二里南  
東孔邨

十四里  
西孔邨  
東孔邨  
西常衛  
十五里東

城西南  
后董屯  
二十里西  
前董屯  
二十里后  
北高邨



二十里前  
董屯東南

大高邨

二十里北  
高邨正南

東俎近

二十二里大高

邨正

西俎近

二十三里東  
俎近正西

北俎近

二十三里正

北

吉畛莊

三十二里北  
俎近正北

馬趙莊

三十里吉  
畛莊東北

朱莊

三十三里馬  
趙莊西南

姚郭莊

三十五里  
朱莊正西

董遐固

三十二里姚

尚學邨

三十三里董  
遐固正西

和屯

三十里

郭莊東南

尚學邨

永興屯

三十八里  
和屯西南

新畛

三十七里永  
興屯東南

鐵鑪頭

三十八里  
新畛正南

靳邨

三十里西  
俎近正西

遐固寨

三十二里

新安鎮

三十五里遐  
固寨西南

王莊

新安鎮  
西南

靳邨正西

喬莊

王莊正西俱  
三十三里

南謝

二十二里  
喬莊正西

石莊

三十里

三里南

謝正西

九里正西待王路

有集鎮一日待王鎮



里數楊樓城西南  
孫邨鋪莊正西  
馬莊十一

九里楊樓正西  
李屯孫邨正西  
周莊城西南  
劉莊

一十一里  
史莊二十里  
王莊二十一里  
劉

尚莊西北  
義門王莊西北  
朱古莊義門西南  
郃屯城正

西呂祖庵九里  
張弓鋪祖庵正西  
楊

莊弓鋪正西  
陳邨理莊正西  
待主鎮陳邨西

首西待王二十三里  
王鎮正西  
夏馬邨城西北  
盧

莊二十五里  
王張邨莊西南  
毛寨三里

王張邨  
皇母泉城西北  
鄧莊母泉正南  
后

張弓正西  
范張弓后張弓  
趙張弓正西  
范張弓

東孔莊趙張弓西南  
西孔莊孔莊正西  
北孔



莊十八里西

秦莊十九里北

白莊二十一里西

磨臺營十里城

河灣十二里磨

夏莊十里西

灣正北

后夏莊二十里西

演馬莊二十一里北

東萬斛二十二里西

西萬斛二十五里東

八里迤西偏北牆南路

距城小王都二十二里

蘇蘭王都二十五里小

南口蘇蘭

張建屯牆南口

牆南口北俱三十

里劉巷二十二里

牆北邨正北

小牆北

牆北邨東俱

楊張河三十五里

周河三十里

河正北

蔡掌三十八里

廟河蔡掌

李河廟河

秦莊李河南首俱

馮莊三十六里

馮河



張河馬河北俱牛莊張河正西岡莊四

里牛莊正西前斬作小丁后斬作前斬作北俱

十里正西恩邨路有集鎮一日承恩鎮

距城朱平陵二十八里抄平陵二十九里朱

平陵鋪三十里抄神仙莊三十一里招民

莊三十二里史平陵三十二里招民

平陵三十三里史盧堡三十四里李萬鋪四

堡正秦屯四十三里耿作四十四里楊

四十五里耿作西北遂莊三十五里常莊西北張莊

常莊正北俱郝莊三十七里柳莊三十八里

成化莊三十七里恩邨三十五里小定和

代系示  
與地志  
里野



三十六里 恩邨正西 大定和 三十八里小 東榆邨 九里

大定和 正西 中榆邨 四十里東 李榆邨 中榆邨

西榆邨 李榆邨 正西 食潤 三十六里 周莊 三十

七里食 后馬作 三十六里 前馬作 三十七里

南 姜河 三十八里前 東焦作 三十九里 西

焦作 四十里東 焦作正西

一里正西新店路 有集鎮一日新店

距城北張城西 小北張 西北張 南張 小北張 正

五里 永治屯 四十三里 保豐寨 四十六里 為

泉陂 保豐寨 郭邨 五十里苟 新店 四十五里

西新莊 四十六里 府城 新莊 曲莊 府城 南



里十 黃侍郎口 城正西 店后 侍郎口正西 造

甲店 五十五里 北苟邨 五十四里 南苟邨

五十五里 王褚 城正西 柿林 四十六里

嘉禾屯 四十八里 沿河 城正西 下白作 四十

三里 獅澗 白作正北 流沙坡 四十五里

上白作 四十六里 老牛河 白作西北 大

馮掌 五十五里 春林 五十三里 東塔掌

五十八里 西塔掌 六十里 馬澗 五十三里

田澗 五十八里 秤鉤灣 五十二里 青石

溝 五十四里 賀支厓 六十里 老君莊 五十六里

老丁溝 五十四里 碾盤溝 五十七里 橫河 五十二里



燕窩嶺 五十里

東貓岔 五十里

西貓岔 五十一里

腳嶺 六十里

三里西北路

距城臥龍岡 八里城

張莊 十里臥龍岡西北

張田河

三十里張馬界 三十五里張田河西北

吳阪 三十八里馬界西北

下馬邨 二十五里城西北

中馬邨 二十七里下馬邨東北

上馬

邨馬邨 三十里中邨正北

寺河 三十二里上馬邨正西

李貴作 七十里

城西蟠龍河 三十一里李貴作西北

閭河 三十二里蟠龍河東北

東馬邨 二十五里城西北

前岳邨 二十八里東馬邨西北

土

門掌 三十三里前岳邨東北

趙審門 掌西北

孫審

八里趙審門東北

義莊 三十二里城西北

南



岡 二十里 義莊正北 李莊 三十里 后岳邨 里城西

北 劉莊 三十一里 后 王窰 三十二里 劉莊東北 塢

后 王窰 正西 盧莊 二十七里 城西北 田門 三十里 莊正北

東山 三十四里 門西北 西山底 三十四里 正西 山

門口 三十八里 城西北 小南坡 四十五里 門迤西 西圪塨

四十七里 小 焦嶺后 五十里 嶺西 西大學 五

二里 嶺 圪塨 四十七里 城西北 窪邨 五十里 嶺正西

當陽峪 五十四里 窪邨正西 劉掌 五十里 城西北 東焦口 五十

劉掌 西北 西焦口 五十四里 焦口正西 東岸上 四十六里 后

西岸上 四十六里 岸上正西 艾曲 五十里 西 西邨

四十三里 山 田坪 四十七里 西邨東北 柿園 四十八里 西邨



劉溝

柿園正北

夾板牀

五十里劉溝正北

黃崖

五十里

五里夾板

史圪臺

六十里黃崖西北

礮礮窰

六十里史圪臺

牀西北

磨石坡

由西邨入

樹樹坡

四十七里

臺西

滴池嶺

六十五里樹坡東北

阪底

七十里嶺正北

掌

七十五里阪底東北

裴莊

八十五里日掌東北

交良河

八十里

裴莊

六股澗

四十里山口正北

洞灣

四十五里六股澗東北

西南

驗看窰

五十里灣正北

馬鞍山

五十里看窰正東

水蚤河

五十二里馬鞍山正東

頓茶灣

五十五里河西北

惡峪

六十里

棗灣

苟窰

六十四里惡峪東北

背陰水

六十五里苟窰東北

匠莊

七十里陰水東北

麻地坪

七十五里匠莊西北

笛掌

八十里

二里麻地

青龍洞

八十五里正東

大窪

八十七里青龍洞東



北 小東邨 門口東北 后窰 東邨正北 小

掌 四十里 南背 小掌正東 王峪 南背西北 坡嶺 十

宋窰 五十二里 許潤溝 五十五里 宋窰西北 坡嶺 十

里許潤 水泉嶺 六十二里 悶壩堆 六十五里 水泉嶺正

北 梨樹掌 七十里 雞冠山 七十五里 梨

水掌 冠山西北 朝陽宮 五十五里 壇道 五

六里朝陽 石圪嶮 五十七里 蒲萄峪 六十里 石圪嶮

宮正北 二股澗 六十里 蒲 小北掌 七十里 二 蠶

北 七十里 柳坡 七十五里 土功背 八十五里 蠶

正 塔山 七十五里 黃龍洞 八十里 塔 歲坡

北 八十里 塔 蝙蝠堂 八十五里 耿壩陀 九十里 蝙蝠堂

系示 卷三

輿地志 里甲

卷三



正北 大東邨 四十里由山口入 東大掌 四十八里大

黑厓 四十八里東 后黑厓 五十里黑 雙窰溝

五十里后 寄鈴坡 五十五里雙 倒顧嶺 十

黑厓東北 寄鈴 六十二里倒 南坡 四十五里

坡西北 聚仙掌 顧嶺東北 孟泉 四十五里小礮

東 小北坡 四十五里東北 孟泉 北坡正東

六里正北路

距城 西板橋 十五里 大陸邨 十八里西 高寨

里數 西板橋 城正北 趙屯 二十二里 安陽城 二十五里

陸邨 西 趙屯 高寨正北 安陽城 趙屯正北 馬馮營

二十九里 山后 二十五里安 陽城東北 陽城東北 郭馮營



營東 魏馮營 俱二里 姜馮營 馮營東北

蔡坡 三十一里 姜 宋蔣邨 二十一里 丁蔣

邨 二十一里 蔣油房 二十二里 趙蔣邨 十二里

二里 蔣 韓蔣邨 二十二里 潰城寨 二十三里

油房西 北莊 二十五里 潰 耿邨 二十七里 西夏

莊 二十七里 中夏莊 二十七里 東夏莊 二十七里

莊 二十七里 平窰 三十里 西窰 三十二里 朱虎

窰 三十三里 佐眼 三十八里 朱 新莊溝 三十里

佐眼 二十五里 方莊 三十二里 坡前

三十里 方莊 北 宰灣 三十八里 孟邨 二十五里

沿山 二十六里 孟邨 正北 古漢 二十七里 碑邨 二十八里



西 韓莊 三十二里  
碑邨正北  
小莊 四十里  
莊西北  
回頭山

五十里小  
六家坪 五十里  
頭山正東  
五家臺 五十三里  
六家

坪正  
白掌 五十四里  
家臺西北  
衡衡窰 白掌正西

卞莊 五十三里  
衡窰西南  
西窰 五十四里  
卞莊西北  
官河 五十三里

西窰  
檀掌 五十四里  
官河正北  
馬連溝 五十三里  
檀掌西南  
大

樹底 五十五里  
連溝西北  
圪鉞莊 五十五里  
樹底正西  
鷹鵠

河 五十六里  
鉞莊正西  
石食 六十里  
鵠河正北  
八代 六十六里  
石食

東 龍門 七十里  
代西北  
茶棚 七十三里  
龍門西北  
碓臼掌

七十五里  
茶棚 五十四里  
檀掌東北  
山根 五十四里  
虎峪 正西

鵬窩 五十八里  
山根西北  
黃檗桶 五十九里  
鵬窩正北  
宋營 五十八里

黃檗桶  
兵盤 五十六里  
好老婆掌 五十八里



黑霜老婆掌東北 白甘泉黑霜西北 宰

七十里白石板掌七十里宰 色斄樹七十五

掌西大圪窪七十五里色 善車寺七十五里

東冷泉背七十六里善 嶺后八十里冷 黑

石嶺五十六里衙 案上邨五十九里黑 三掌

四掌五掌五十九里俱 磕碑峪六十五里 正北

馬蹶窰六十七里 南場六十八里馬 瓦

房溝七十里南 前水磨七十一里瓦 后水磨

七十二里前 柳泉七十二里后 東藏七十四

水磨正北 西藏七十四里 子房七十三里 梯頭棧

北西藏七十四里 梁棧八十里梯 瓦窰八十四里

房西八十里 輿地志 里甲



洪河

九十里瓦

小洪河

九十里洪

溝坡寺

十六

里案上

前懷

坡寺正北

瓦窰棧

懷正東

遼河

七十五里瓦

后遼河

七十八里

騙馬

十八

里后遼

后騙馬

騙馬西北

東北

路有集鎮一日五里源

距城

列杠營

八里

北新莊

十里列杠

三頃半

十一里新

東板橋

頃半東北

中水橋

十五里

東

姬莊

十六里中

馬坊

二十一里

大官莊

二十五里

白莊

二十八里大

王莊

四十里白

沙牆

王莊東北

羊圈

沙牆西北

桑灣

羊圈

上桑灣

三里

百巖寺

五十五里

寺頭



郵五十八里老韓溝一里榆谷聯六

五里老韓溝正北大堤屯五里城東北朱營七里大堤屯正東

西水寨十一里朱營正北東水寨十一里西水寨東禮賢莊

東水寨正東水南莊禮賢莊西北俱十四里焦莊十六里水南莊東北

小橋十九里焦莊西北五里源二十里小橋北李固二十里

五里源東北小官莊三十里李固正北張邨三十五里小官莊東北

鴈口三十六里張邨西北東丁邨三十里鴈口西北丁邨三十里

八里東丁邨西申郭四十里丁邨西北赤莊四十里申郭正北安

莊四十八里赤莊正北鐵匠莊五十里安二棚棧八里

鐵匠莊西北柳泉七十里二棚棧正北松羅掌八十里柳泉西北

一斗水九十里松羅掌正北



軍更里散寄各路

以上共編戶十二里

風俗

隋書地理志汲郡河內風俗頗侈皆向於禮

寰宇記河內覃懷之地於周爲畿內故風俗與周

地略同

元志興淳儉之化息崇奢之習

明志土瘠民貧人好讀書

河南通志男耕女織邨落連延頗尙節儉之風自

得恬熙之樂

禮儀



冠禮久闕

昏禮通媒灼納采請期及昏期親迎歸男女交拜  
設樂宴賀客婦入門三日廟見諏日偕至母家會  
親

喪禮初喪哭殮三日成服自小祥大祥禫服祭葬  
如禮不作佛事

祭禮士大夫建家廟春秋祭祀朔望行禮庶人設  
神主於家歲時祀先

賀壽賀昏製錦儷燭餘者食物貧家量力饋遺  
賀生子主人作湯餅會俗曰喫喜麵

歲時



正月元旦雞鳴起祭神祀先火鞭爆張聲聞四鄰  
鐙燭達旦黎明飯扁食往展墓歸親友交賀五日  
祀山八日鼓樂旗纛祀火神歲豐釀錢賽會上元  
前後張鐙三日上元日祀城隍與祀火神同或至  
河內疙瘩坡禮孫真人祠十六日男女出迎喜神  
以散百病灼艾灸病根搭天橋祀送子觀音小女  
子作鞦韆戲十九日倣京都燕九祀陸真人陸眞  
山近邨以羊酒旗鼓禮陸眞祠歲豐釀錢賽會夜  
填倉祈穀炊餠設鐙倉困閒

二月二日祀龍神五里源諸邨賽會於馬坊邨  
日午以菉豆麥粉製煎餅祭神祀先



清明展墓插柳

端陽插艾以角黍相饋遺取菖蒲雄黃塗小兒耳鼻以辟蟲毒繫綵線於項及手足以爲厭勝

六月造麴曝衣

七夕閨中祀織女乞巧中元展墓

中秋夜祀月饋遺瓜果

重陽登高十七日祀大王河神

十月朔展墓送寒衣

臘八日食粥二十三日夜祭竈二十四日掃塵除

夕換桃符祭神祀先爇薪炭於庭達旦

縣廩生楊敏書乞禁圍鼓戲狀



圍鼓戲者聯絡素封之家收召無賴之徒奉游蕩  
敗類爲師傅糾少壯良民爲學徒拾其耒耜弄彼  
管絃叔姪兄弟相唾相詈以爲娛鄰里鄉黨相詈  
相罵以作戲此何如風俗也若夫賀人娶妻生子  
主人雖有枵盤之費此輩尙屬賀客何爲而有鬪  
喪之事乎誰無父母孰忍當葬而詆誰非人子孰  
忍在戚而樂忘匍匐相救之情效倚門而歌之事  
不尤敗俗傷風之大者哉且此輩往往自稱同樂  
會夫彼之所謂樂者樂其不勞又耶樂其不務  
田疇耶抑樂其獵酒肉結黨徒而見稱於正人耶  
且其約以鳴鑼爲號嘗見侷強之子素不奉父母



之召而一聞鼓音無不奔赴甚至有母死未葬竟  
從而賀喜從而鬬喪者其可惡為尤甚夫一女不  
織有為之寒一農不耕有為之飢如此輩者為貧  
窮之漸實淫盜之媒而總由於蚩蚩無知故習焉  
以為常遂恬然而不怪也伏乞嚴為禁止以革澆  
風而敦古道使滿縣徧栽河陽之粦斯結愛永歌  
召伯之棠矣

物產

穀類

大麥

即牟也其粒皮有侶稻作飯滑後漢書燕薹亭麥飯即此

小麥

即來也

二色

黍

苗如蘆細粒散垂說文禾屬而黏一名稭禮記秬稻必齊北人稻少釀用秬黍有赤



黃白黑數種赤者最黏黑者名在黍 稌說文糜也俗黍不黏呂氏春秋曰飯之美者有陽山

之稷音卽說文齋以五穀之長郭氏通志苗穗 稷俗音卽說文齋以五穀之長郭氏通志苗穗

甲子百穀故爲五穀之長古農官亦以稷爲名祀穀神者以稷配社五穀不可偏祭祭其長以該

之也說文稷之黏者曰稷以黍蒸饌甚光明故禮記稷曰明黍以種來自蜀亦曰蜀稷釋草疏眾一名

稷謂黏粟也稷之黏者也其莖稷俗禾而物大於工記染羽以朱湛丹稷注丹稷赤粟也卽稷之黏

者今俗 梁俗呼穀最遇粒食之總名不得獨以 名高粱 梁俗呼穀最遇粒食之總名不得獨以

者有青黃赤白黑數種兩雅釋注黃赤梁粟也 白梁粟詩云黃梁飯未熟卽黃穀米飯也今梁之

黏者亦名稷穀中釀酒故土人有 稻說文徐也 紅酒穀黑酒穀之名餘皆呼飯穀 稻說文徐也

可釀酒有赤白二色赤者酒多不黏 麻說文麻者 苴麻詩幽風 胡麻來自大宛故名以其白

傳苴麻子也 胡麻來自大宛故名以其白 如甜瓜子而小色淡赤太行山 菽物理論

內人多種之乎胡麻仁亦出山 菽物理論



正熬豆而食曰豉菽有黑黃  
菜豆詩終朝采之  
菜豆蔬綠同菜

白豆苗葉白者也大如菜豆而差長  
豇豆

蔓生萼紅白二色莢紅白  
扁豆蔓生萼紅白二

紫赤莢數色長者盈尺  
豌豆一種出西胡

色形扁若眉一名蛾眉豆有莢  
豌豆一名戎菽

細而長及三寸者俗名豬牙豆  
豌豆

百穀中最早登者又有野豌豆其粒小名翹搖蔓  
豌豆

生如螢豆紫萼蜀人所謂小巢菜也其大者即薇  
豌豆

遇野豌豆本名豌豆別名彈音篋  
豌豆

之不實者耳豆俗名小豌豆土人亦呼扁豆  
豌豆

菰音姑彫胡也生菌如瓜形故謂之菰周禮膳夫  
菰

譌呼菱草其磨麵如麥  
蕎麥

米呼玉菱子故得麥名  
蕎麥

案九穀黍稷稻麻菽麥梁苽也大豆曰菽小豆  
日荅六穀稌黍稷梁麥苽也稌即稻五穀麻黍稷  
麥豆也詩幽風疏苗生既秀謂之禾黍稷重穆種  
秬苽梁皆曰禾惟麻菽麥無禾稱米之有甲者粟

蔬類



二 養生 藿 音育山韭也與家韭相類陳直奉親

魚肉五兩煮羹下五 蔥 一名 茗 音格山蔥

素食之 蒜 卵蒜也有二種小而瓣少辣甚 藿

山蒜也亦名澤蒜 藿 藿 本草注此菜易起臺

即今油菜為 菘 俗名白菜 苘 蒿 微俗白蒿

其可榨油也 菘 有數種 苘 蒿 辛甘可茹

邪蒿 葉紋皆邪 三四月生葉似青蒿色 胡 葵 俗

藜 葵 葉細而多鬚張寧西域 芹 說文楚葵也

得種故名胡葵亦名香葵 芹 芹當作薺

著蓬 葉似升麻苗有細棱可蒸食其 菠 薐 種出

有僧將其子來云頗陵國之種語 莧 白莧葉如

譌為菠薐亦名赤根菜俗呼菠薐 莧 藍其小者

為人莧赤莧一名蘆亦名粵莧根莖可食細莧

俗呼野莧亦名糠莧紫莧莖葉通紫可染爪

馬莧 布地生俗名馬齒菜一名五行草 蒿 苳 續

以其葉青莖赤粵黃根白子黑也



物志蒿菜出高國一名生菜白莖葉有白毛紫莖葉鐵色青折之有白汁苦蕒一名

說文作蓐有赤莖白大芥葉如蘿蔔英有柔毛

莖二種折之有白汁小芥葉如芣芥為茹甚美起臺開黃芡結

菜呼辣蔓菁周禮醢人菁菹注菁蔓菜菔俗名蘿蔔

蘆古之胡蘿蔔元時始自胡地來味微似蘿蔔二

種蘆脆也灰藿俗藿莖有紫紅線棱葉背白面青有白

藜即灰藿之紅心者一名鶴頂草初生可菹

音箭釋草注王藝伯藜其樹可為苜蓿原出大

埽帚莖有青赤二種初生可烝食苜蓿宛宿根

自生歲可三刈小莢圓扁薺生野中有數種小

米如稔可為飯亦可釀酒薺味美其最小者

名沙蕨足之蹶故謂之蕨嫩時采以灰湯煮去

系示

卷三

輿地志

物產

莖

涎滑曬乾作蔬味甘茶苦菜也生寒秋歷春及

亦可醋食土名拳菜夏迺成一名游冬葉似



苦苣而細斷之有白汁萼  
黃侶野菊子上有白毛

秦菜 叢生白萼結角  
侶禿筆頭味辣

老則 蒔蘿 白佛誓國得種其子簇生狀如蛇  
色紅 牀子而短微黑芳辛一名小茴香

地蠶 今名甘露方莖對節狹葉多齒微皺  
有毛其根連珠狀如老蠶亦呼地瓜 菑 詩

采其菑釋草注大葉白萼根 諸蕒 避唐代宗諱  
如指正白可啖土呼銀條菜 改名薯藥宋

英宗諱曙改名山藥太 金簪 土呼黃  
行石罅中所生者如芝 萼菜 香薯 音

侶白蘇而葉細萼茸紫 甘藷 其根皮紫肉白可  
連邊成穗土呼襲槃芥 當米穀土呼紅薯

瓜類

壺盧 無柄而圓大形扁者匏短柄大腹者壺有  
腹長柄者懸瓠細腰者蒲盧亦名約腹壺

瓠 音護長如越瓜首 瓠瓠 大小非一夏末  
尾 予曰瓠犀 實秋中熟堪食

瓜 結霜皮白如粉塗十月種者 南瓜 種  
或圓有大葉黃萼瓜或長 名蓋由此 番延

數丈大葉黃萼瓜或長 越瓜 種來越中就地  
或圓有青綠黃黎各色 蔓瓜有青白二色



良者六寸松胞  
可生食俗呼酥瓜  
呼黃瓜俗以月令王瓜生即此誤矣  
王瓜土瓜也亦名蘇蘇與此有異  
俗可醬  
淹食之  
狀類酥瓜  
亦黃色  
五代時胡嶠征回  
紇得種一名寒瓜  
葡萄大如雞卵有縐紋生青  
熟黃子赤如血俗名苦荔支  
鯉脯以青茄有  
紫黃白青數種

### 果類

棗

壺棗大而銳邊腰棗  
細腰今呼轆轤棗

槭

酸棗也樹小實

栗

佛書名  
篤迦

柿

俗作柿非有著蓋柿牛心柿蒸餅  
柿又有朱柿小而深紅俗名火罐

胡桃

出羌胡張騫西域得種外有青皮肉包  
之形如桃羌音呼核如胡亦名核桃

梨



種類甚多有驚

柴梨野梨也樹偪梨而小

棹

梨皮薄而漿多

柿之小而卑者故謂之柿

棹棹

柿碎浸汁謂之柿

等椒

如樹偪菜莫有鍼刺其菜

杏

楊行密改

桃

蚤等而

李

味酸于五

櫻

桃

一名楔一

栳李

一名雀李小如櫻

林禽

果此

味甘能來眾禽于林故有林禽來禽之

蘋果

名一

蘋婆與柰一類二種也接用林禽體葉偪

文官

果樹高餘丈皮悔多福呵葉有偪

榴

張憲得塗

種齊民要術凡植榴須安僵石枯骨于根下即

蒲萄種出于隴西

蔓莢

蔓生偪蒲萄而小一名

俗名野

蒲

芙蕖等根也等葉

菱角

兩角

慈

蒲萄

常偶故謂之蒲

日菱



姑其苗名剪乃草生水田中葉有梗 芋薺古之

也苗侶龍須根黑 芡實俗名雞頭 長生肥莖布地

色可食俗名地栗 圓葉黃芩實侶槐

草類

芸草葉類豌豆生山野作小 薤草葉小如薤

狀一名薤 羅勒避石勒改名香菜葉侶紫蘇

草 石龍須細葉長四五寸有侶龍髯 馬薺令月

仲冬荔挺出即此一名馬蘭葉侶薤而長厚三月

俗呼鐵 刺薊即小薊去根作菜茹食宜人四月

紫色土人 黃瓜菜野生小科如薺入夏黃芩與

氣如瓜 菴藟葉侶菊而薄多細極面背皆青高

輿地志 物產



萼淡黃色  
可覆菴蘭

艾 一名冰臺

茵陳

經冬不死葉侶青蒿而緊細背白

白蒿

有二種爾雅蔡旃蒿陸生詩食野之苹即此俗呼艾蒿又蔡由胡水生詩于以采蔡即此

亦名蔓蒿葉侶艾而岐細莖或赤或白辛香可為嘉蔬

青蒿

莖狹如指肥

食秋開  
淡黃萼

莪蒿

宿根先生細科葉侶邪蒿詩莪蒿者莪陸注即莪又名蘼蒿

牛尾蒿

色青細葉直上

馬矢蒿

葉大如茺蔚萼紅白

牡蒿

葉扁而本狹末多有秃歧一名齊頭蒿

黃蒿

葉淡黃細如鐵辛臭不可食

繇

一名繇麻糸屬高數尺葉侶桐團而有纖可績布為繩索

茅

爾雅蓬牡茅是也注

白茅

菅

侶茅而滑澤九毛柔韌宜為索

蒹

亦菅屬中為索

淡竹

葉如竹其根上結子宛如麥冬采根苗搗汁和米作酒麴甚芳烈

猥尾

一名猥尾

宜覆屋土  
呼黃稗草

狗尾

即莠也治目痛一名光明草

鳴跖草

紫莖

萼作蛾形兩葉如翅碧色可愛結角纖曲如鳥喙其萼可取汁作畫色一名竹管菜可食土呼藍



羊鬚草

名織女苑

龍葵

葉似茄而小開小白

夢結子正圓大如五味子數顆同綴生

青熟黑一名天茄子一名老鴨眼晴草

酸漿

垂

絳囊中含赤子如珠酸

羊泉

葉似菊零紫色子能治瘰

瘰囊中含赤子如珠酸

羊泉

葉似菊零紫色子能治瘰

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

瘰囊中含赤子如珠酸

鼠麴

草高尺餘葉似馬齒莧有白毛黃

系

卷三

輿地志

物產

齒



蒼耳

即卷耳實如耳瑞比桑葚短小而多刺嫩苗可救飢子可為麵作燒餅亦熬油點燈

黍蓬

即菱之不結實者惟堪作薦爾雅薦黍蓬是也土人以飼牛馬

而大

莖赤有節高丈餘實殼有刺子似牛蠅有麻點王瓜即土瓜葉如馬

赤一

葉一鬚俗呼公公鬚葛蔓延數十丈赤皮初

草

爾雅茹蘆茅蒐注葦其長丈許半空為蘆其

蓬蘽可

桂音恒似葦而短小中空皮厚荻即

也

但莖而細高數尺苗亦蘆屬高三三蒲即

也

今呼水蓼生水澤比小荇葉稍落葉一作

鳧

馬藻葉似柳而曲長二牛藻細葉莖如

水蘇

方莖中虛葉似蘇葉而微長密齒而莖如

蘇穗水紅色

莎也兩雅臺夫須是



木類

松有雲皮

柏一名

櫻音即侶松有刺俗名刺松長大即為檜也

桐有梧桐青

梓即楸也齊民要術白色有角者為梓黃色無子者為椅

朴膚白肉紫葉如槲五六月開細

楷其幹枝

屈經霜葉赤如血實

黃櫨葉圓木黃可染黃色開粉紅萼茸若絲

結小莢似鈴

槐有黃白青

守宮槐一名四季

王筠詩霜被

檀車輻中

白楊圓葉弱蒂微風大搖皮葉皆白

柳揚者蒲柳垂者澤柳一名旄又

棟葉密如

參紅紫色實如小

榆有白黃紅三種白榆即日

圓而厚爾雅

桑白桑葉大而厚雞桑萼小而薄

注日姑榆

柘多刺葉亦飼蠶

柘今柞櫟也其葉似椿可飼蠶



櫟

一名樸櫟高丈餘與櫟相類  
葉圓有柅可飼山蠶亦有斗

棹

莢能去垢

烏柏

葉可染阜子壓油塗頭令白  
變黑為鎗極明土名黑葉樹

椿

馬貢作枕  
葉香可啖

櫟

皮侶柰木疏葉臭  
牝者結莢口鬼目

櫟

即柅柳葉

侶槐而狹長實如榆  
錢木色紅紫作箱案

冬青

葉細小土人以接桂

櫟

葉細如絲

一年三秀俗名三  
春柳其脂曰櫟乳

柰桃

葉鸛皆侶桃子不堪食  
其仁入藥皮赤色幹極

堅硬可

作馬鞭

杜

赤棠也子澀而酢木  
理堅韌可作弓幹

楮

皮白無毛

楮實曰楮桃皮斑而  
葉無柅者穀亦作櫟

枸杞

詩集于苞杞是也其  
實形長而枝無刺圓

而有刺

荆

牡荆也詩言  
刈其楚即此

帛

莫枝幹叢雜側戾  
高二三尺

鸚哥綠色急就篇注纓蒼艾色東海有草  
曰莫以染此色因名纓即此也土呼毛棹

藥類

木瓜海棠

子如木瓜可食

貼梗海棠

叢生單葉藥磬口  
深紅無香不結子



新正 卽開 絳桃 一名三義 紫荊 一名滿條 紫薇

一名百日紅 四月五月始發 接續可至八九

木槿

一名百日紅 四月五月始發 接續可至八九 羊躑躅 樹高二尺 葉侶桃葉

石榴

粵大如盤 不結實

合驩

一名合昏 一名夜合 俗呼馬纓 粵枝柔葉密相

對生至 幕卽合

夾竹桃

自嶺南來 粵嬌豔類桃 葉狹長

開天竹

一名南天燭

蠟梅

本非梅種 以與梅同 時而色侶密蠟故名

迎春

短蒂圓 瓣者佳

月季

一名閩雪紅 有紅自淡紅三色

芍藥

猶婢也

名將

牡丹

性宜寒 喜燥 栽向陽則舒

魚兒牡丹

萼紅而蕊白 狀類雙

魚鱗相 比下垂

茶蘼

藤身灌生 青莖多刺 葉缺刻 萼青跗紅 萼開時變白 帶淺碧大

朵千瓣 一種色黃

薔薇

莖青多刺 四五月萼四 出黃心有淡黃 鶯黃肉

紅粉紅等色 有單瓣 有重瓣 別

玫瑰

灌生細葉 多刺宜肥

有野薔薇 雪白粉紅 香更郁烈



土常灌性好  
潔忌人溺

刺蘼  
狀似玫瑰而無香有紅白二種

金絲桃  
如

桃而心有黃鬚  
根下劈開分種

射干  
葉橫張疏如鳥翅其根如竹葉黃紅色有點文俗呼

扁  
鳶尾

葉似射干而闊短不抽長  
莖花紫碧色俗呼紫蝴蝶

荷  
即芙蕖

金瓊  
一名長春

石竹  
一名蓮麥

萱草  
本名忘憂一

名宜男苞生與鹿  
侶惟黃如密色者

蕙  
俗呼草蘭

吉祥草  
葉如

夏開紫  
萼成穗

露葵  
左傳杜注葵傾葉向以蔽其根

蜀葵  
爾雅蜀葵注

今蜀

荊葵

爾雅荊葵一名荊葵又名錢葵淡紫單葉

秋

葵  
一名黃葵一名大如盤

葵一名黃葵一名大如盤  
葉心六瓣而側朝開午收

幕落結角本大  
末銳六稜有毛

葵一名黃葵一名大如盤  
葉心六瓣而側朝開午收

莖相同一萼七瓣有金  
線蕊今名重樓金線

水荭  
高丈餘詩出有

即此

鳳仙

一名海納色狀多種女人采其萼染



兒紅藍一名紅萼侶藍有刺春種山丹一名

合根侶百合體小而瓣少作黃色名黃藍

黑點辨俱反卷一葉一

子根侶百合不堪食

百合無香根同百金錢一名子午萼秋綻黃

合可食味少苦

纏枝蓮蔓生葉侶諸蕓而狹長秋開紅蕉紅如

開至玉簪葉大如掌紋如車草茉莉青莖侶

中秋節葉圓有鐵萼類牽牛而小有紫黃白及斑斕

四色結子酷侶胡椒可取粉塗面俗呼粉豆

曼陀羅葉如茄葉開白萼六瓣秋海棠一名八

粉紅有二種葉下紅剪春羅偏生葉侶冬青而

筋者多綠筋者更佳

剪秋羅一名漢宮秋色深紅

庚注旋覆侶菊一名艾菊一名金錢萼莖青而

香葉長而鐵無極萼黃千瓣自六月開至八月一



甘菊

紫莖氣香葉厚而柔萼微大味甚甘是為真菊

苦薏

野菊也莖如馬蘭葉薄小

而多鐵萼小而蕊多如蜂窠氣味苦辛名曰苦薏

黃菊

萼小而黃俗呼金鈴雞

冠

以萼狀命名亦莧屬可食

老少年

一名雁來紅其紅紫黃綠相間者名錦西風

款冬

即菟葵葉侶華薜萼黃青紫萼初生如菊

竹

喜溼惡燥其嫩喜行東南冬月

須厚加土

藥類

沙藺

白萼俗名鈴兒草

桔梗

葉如薺莖莖如管紫赤色

黃精

一名

芝葉侶竹根如嫩蘆

知母

形侶芝而柔潤開如韭

蒼朮

有赤朮山精仙

光山薊等名

貫眾

莖葉如圓瓦而根名貫眾

遠志

苗名小草侶麻黃而青

丹藺

一名赤藺莖方有毛紫萼

薺草

今作紫草苗侶薺草香可染紫

黃

芩

叢生類此草空中外黃內黑一名妬婦

芩胡

今作葉胡葉侶芩蒿辛香可食根紫



色

前胡

根似葉胡而柔賴

防風

葉似

升麻

性上升

苦蕒

葉似槐

蛇牀

葉碎似蒿開白

萼

雞

藻本

葉似白芷香又

澤蘭

生下溼地葉如

及作

荊芥

即假蘇葉似落

薄荷

本草

青葙

浴湯

苗葉萼實皆與雞冠相似其異在梢間出

穗鐵長四五寸狀如兔尾水紅色或黃白色

漏

盧

一名野蘭莖葉似白蒿

菰

音喜松素莖有

侶

蒼耳而狹長對節有毛子如茼蒿

地黃

葉也

萼

有細刺黏人治虎狗傷已風痺

古漢一帶

牛

葉如夏藍莖青

蒲公英

葉如

多有之

堪生

吹萼如單菊而大一

王不留行

葉

草一名黃

萼地丁俗呼逆格苗

萼如鈴鐸紅白

車前

葉布地如匙拍數

堯蔚

色實如鈴鐸紅白

一名益母紫萼

翻白草

以葉之形名一名

馬



鞭草

節節生紫  
萼如馬鞭

鱧腸草

一名旱蓮草苗似旋復  
小萼細白實若蓬房折

其苗有

黑汁

夏枯草

葉似旋復三四月  
開萼作穗紫白色

透骨草

筋治

骨一切風溼

寒溼脚氣

榮筋草

俗名老  
鵲嘴

五加

療風痛五  
加者

其皮赤莖侶藤

蒿上有黑刺

地骨皮

即枸杞  
之根

連翹

爾雅連  
翹等

黃可

愛

篇蓄

苗似遠麥葉細絲如竹赤莖  
如釵股節等甚細微青黃色

紫萼

地丁

葉侶柳而微細紫萼  
細角俗名米布袋

澤漆

一名貓眼睛  
草莖有白汁

白附子

與附子相侶莖侶鼠尾草細  
葉周布生于穗間根似天雄

天南星

根

畔有圓牙如虎

掌

一名虎掌

馬兜鈴

蔓生附木葉侶  
蘿藦而圓且澀

牽牛

子

一名草金鈴  
有黑白二種

菰

即果羸蔓生附木  
其根即天葵

玉環

冬

爾雅髦顛  
棘即此

葛根

陶宏景曰葛  
苗一名鹿藿

何首烏

紫萼

有赤白二種取根獲九數  
者服之通仙一名九真藤

威靈仙

生川風濕  
月等入出淺



紫色或碧  
白色

通草  
即木通有通孔兩頭皆通

葶藶  
即葶也俗名狗薺

忍冬

藤生不凋有金銀藤鴛鴦藤左纏藤諸名

牛蒡

葉根皆可食實殼多刺一名鼠

黏俗呼  
夜叉頭

五靈脂

即寒號蟲糞

夜明沙

即蝙蝠屎

全蠍

蔓也一名  
名杜白

禽類

雉

漢諱呂后名改名野雞

鸚雞

大如雞長腳紅冠雄色褐雌稍小色斑其聲甚大土

呼瓜

英雞

出北山有石英處狀如雞而短尾腹下毛赤飛翔不遠土呼石雞

鷺

一名山鵲狀如鵲而鳥色有文采赤嘴赤足尾長性惡其類相值則搏亦能食雀

鷓鴣

山鳥也侶鳥而小赤嘴穴乳

鷺

潔白如雪腳青善翹解趾短尾頂毛如絲喙長三寸水食

棲

鷓鴣

侶鵲而大喙長尺餘直而且廣胡大如數升囊好羣飛沈水食魚一名鷓鴣俗

呼洵

鴈

大者鴻小者鴈

鳬

野鴨也狀如鴨而小亦曰野鳬青色長尾背上有文



爾雅鵲沈 鳩一名翠碧鳥大如燕喙鐵而長足

鳬是也 下白一名魚狗穴 鶯有黃鸝黃倉庚等名冬

土為巢尾可為飾 鶯蟄水田以泥自累春遷喬

木者是也俗誤為黃鳥黃鳥美曰千 青雛一名

百成羣集楚集棘迺小鳥可媒致 斑鳩項下皮如真珠聲大

侯狀如鳩而綠褐 斑鳩性拙如真珠聲大

色聲如小兒吹等 鳩一名桑鳩侶鵲長尾牝牡飛鳴以翼相拂擊

鵲鳩即月令鳴鳩也 鳩不能為巢有布穀鵲鳩郭公

等 鵲鳩侶山體而小短尾有市毛冠多聲青

名 鵲鳩喜食棟干槐豆土呼棟鵲 鳩一名桑鳩侶鵲長尾牝牡飛鳴以翼相拂擊

名鳥鳴五更鳴架架格格者也如燕黑色長尾有 岐頭戴勝爾雅戴鵲即此案左何 民收麥令無得晏起者是也小 前始來沐人呼夏舌土呼又雞 紫綠背白腹赤曰喜鵲 秋鴈淺色如鵲長尾 口乾鵲俗名馬野鵲 鴈俗名蠟嘴大如鵲鵲蒼初色 野 鵲有黃斑點其喙微曲食粟和 鵲



也一名鴛鴦者雄褐者雌利背如錫背以味如

鵲鵲一名鵲鵲俗呼阿濫堆鵲鵲音轄閱即反舌

而小身略長灰黑色微鵲鵲即祝鳩四壯嘉魚

有斑點行則俯首而搖鵲鵲之離是也白者入

藥烏即寒鴉純黑反哺一名孝鳥杜甫有鴉

鴉亦呼烏鴉一名鸛一名鴝鵒小而鵲頭細而

有斑點鴝鵒冬毛脫忍寒而號曰得過且其屎

點五鵲鵒即仙鼠一名飛鵲鵒力小黑鳥也

靈脂鵲鵒鼠其屎夜明沙鵲鵒音貂鏡黃

土呼喫栝茶鵲鵒俗呼槐雀鵲鵒音貂鏡黃

因鳥聲名之鵲鵒俗呼槐雀鵲鵒音貂鏡黃

鶯鵲鵒即桃蟲侶黃雀而小灰色有斑喙鐵利

巧婦又日刊鵲鵒有兩種紫胸輕小者越雀名



一名鷺尾長翅短執鷯  
悍多力俗呼阜鵬

鳥侶鷹而稍小尾如鴛  
高翔專捉雜雀爾雅謂

之茅  
鷄  
大如鷓鴣而小取鳥雀如攘奪也

鵠拳

處大如彈丸俯擊鳩  
鵠食之或曰隼也

也。是。其。所。謂。也。

20

獸類

虎有不常

豹不常

鹿牡曰麋牝曰麀其子曰麋

麋  
小如  
無鹿  
角而

色黃無  
豺狼屬也

狼糞爲烽煙  
直上不斜

狐 形似小黃狗  
鼻小尾大

狸穴居薶伏  
形如貓

獾 穴土而居似小狗鐵喙  
矮足短尾深毛褐色

沐

猴善候好拭面  
如沐故名

兔  
無唇缺  
脾  
鼠  
老俗名  
鼠

距  
洞  
穴  
居  
土  
樹

孔形大於鼠頭侶兔毛青  
善鳴能人立交前兩足

栗鼠視小

栗色微深喜  
食果能緣木

鼯鼠 色黃如柚故名卽鼯鼠也  
能攀樹好食雞俗名黃鼠狼

獨古作

鼯鼠 鐵鼻 行地中一名  
鼯鼠亦名田鼠犁鼠隱鼠



新類

牛 牡曰牝 牝曰牝 牝曰牝  
去勢曰犍 日牯

馬 牡曰騊 騊曰兒 牝曰驢  
駘曰課 去勢曰騶

廬 臚也

馬力在膊  
驃今作騾  
驃牡馬交驃  
驃生者駃騠  
豕牡曰豨

其子曰猪曰豚  
日彘去勢曰殭  
羊  
角牡曰羖  
日羝曰羴  
日羸去勢曰羸  
日羯其子

犬 長喙者獫狫短喙者獬  
去勢曰猗狂犬曰獬  
貓

禮記迎貓爲  
其食田鼠也  
鵝亦曰家鴈  
雞其雛  
鷺鷥戶子  
鷺鷥曰家鷺鷥

鳴爲鶯亦曰  
家鳧曰舒鳧

蟲類

蜜蜂 小而色黃  
一名范

土蜂 一名蠐螬 黑色細腰銜泥  
於牆隙作房如併竹管其

中生子如粟米取青蟲其中以待  
其子大爲糧謂螟蛉爲子未錄  
木逢侶土逢而小樹

上作  
房  
馬  
蠡  
即大黃蠡其黑者曰胡  
蠡屋上或大樹間作房  
蠡  
以蚕字



當之蚕音  
蝻由山蠶也  
蝻其子拒斧  
蝻

蜨翅夾者曰蜨撒者曰蜨  
蜨愈惡者化蜨愈麗  
蜻蜨即蜻蛉遇水黃

有青赤  
樗雞黑生樗上形類蠶蛾但腹大頭足微  
黃三種  
樗雞黑重翼外翼灰色有黑內翼深紅

五色具俗  
莎雞居莎草間侶蝗而振羽有聲即  
呼紅孃子  
莎雞翼正赤六月飛而振羽有聲即

絡斑螫黃足斑甲大如  
巴豆秋食豆粿  
蠶網  
蠶無草

蠨蛸長踦即  
蟬子也  
壁錢亦呼  
壁蘭  
蟻亦作螳大者蚍

蠹其子蠹即牛  
蠹血滿自墜  
蠹生糞土中身短足長  
狗蠹皮黃色堅  
牛

蟻木中蠹也豐潔且白身長足  
蟻以背滾行即蟻也  
蟻本不作蠹作蠹

俗名  
蛄蟻侶蠹而小行則首  
蛄蟻而小行則首  
蛄蟻而小行則首

槐蠹  
以胸鳴者蜩蜉轉九化蝮蟥亦曰麥蛭  
蝮蟥亦曰麥蛭

也  
而五月鳴聲清亮亦曰麥蛭  
蝮蟥亦曰麥蛭



馬蟬也一名蜺蟬過鐵  
甲將軍所化其殼蟬蛻  
蠶也蟬而小青色金

亦名蠶蟬其聲曰  
福蟬福蟬即蟬也  
蟬鳴亦曰寒蟬曰寒蟬

水蟲狀似蠶蛾狹長有角黃黑  
蟬色甲下有翅能飛朝生暮死  
蟬一名蠶桑

有白點  
蟬蟬毛蟲也在石榴  
蟬即蟬也穴

翅四足雄者善鳴聲  
如蚯蚓喜就燈光  
螢出非腐草為之也

土蠶也一名蚵蚱  
蟲與蠶蛾相牝牡  
肌球多足蟲也

蠶蠶一名石蠶形似廣腹下赤  
而輕小能飛喜就燈光  
蟋蟀以注鳴者

一名蚱蜢  
蚱蜢蟲也也在澤草上  
負蟻草蟲也形

好在  
蟻蚱蜢長飛翅作聲土呼扁擔  
蟻谷土也今

草中  
呼土蟬侶蝗  
蟬蟬斯蟬也侶蝗而小斑黑股

而小善跳  
蟬蟬侶玳瑁相切作聲間數步  
蟬蟬注侶

蟬蟬  
說文以翼鳴者俗呼叫蚱其雌  
蟬蟬注侶



蝗而大腹長角能食蛇腦土呼叫狗蟾蜍俗名蟾蜍居腹蝦蟆

在陂澤中背有黑點身小鼃一名田雞生水中能跳作呷呷聲其子科斗

有作黃路蟪蛄一名蝸牛即蟻蟪也背者以腹鳴蟪蛄一名蝸牛負殼能篆壁水

龜即水龜也屬身大腹水蛭其大者石蛭而青硬四脚羣游水上

蠃形如蠅黑頭負殼如土蠃之窠出半身游蠃水中之蠃之即沈生馬坊泉中他處無之

蜩一名蜩醫生山谷俗名脚蛇有蜩蛭即守宮也死蜩蜩建頭扁尾長俗名脚蛇

壁虎蛇有水陸二種

鱗類

鯉小丹水鯽也旅行相即鯽一名黑鱖首黃鱔俗名鱔

一名白條長鯽即黑鱖首黃鱔俗名鱔數寸好羣游鯽其額平夷低假其鱗俗名鱔

黑文尾血可鯽其額平夷低假其鱗俗名鱔治日眼端邪鯽一名魚



蝦俗作蝦非  
馬坊有之

金魚供養玩者

介類

鼈一名團魚

蟹一名螯因其旁行也

蛤長者蚌圓者蛤

蜆如蚌黑色亦味

扁螺一名螺螄

貨類

棉布 棉等 絨麻 藍澱 毛棹 菸葉 蜂

蜜 蜂蠟 木炭 煤炭 石灰 石鹼 皮硝

蘆席

禮曰不學博依不能安詩說者謂詩人比興之辭多依託於物理學詩者不能於游息之際博求其所依附則無以驗其實而於詩之辭必有危殆而



不安者是知學者於一草一木一鳥一獸審厥形  
狀以求其命名之所在未始非學問之一助也修  
武跨據太行包絡吳澤物產頗富然大率田父野  
老口頭相傳其指物稱名多鄙俚不可爲典據又  
如黍稷之稷李時珍本草綱目謂爲黍之不黏者  
邵晉涵爾雅正義又以北人所食之穀子當之說  
無人知其爲今之蜀秫者茲特案爾雅說文方言  
釋名及近時通儒程瑤田九穀攷諸編或一物而  
二名或形似而實異抑或沿俗稱而昧其本名壹  
皆疏通證明之是一楊泉物理論之遺意也



補遺

陵墓

補商家之後

周

葛伯墓 故址無攷

路史國名紀葛魯附庸齊昭公母葛嬴在河內修武有葛伯城葛伯墓注九域志湯始征者

案葛伯有二葛鄉故葛城在寧陵北十五郛城北三十周四里去亳城百里卽葛伯國者黃帝之後也此在河內修武之葛伯城與墓則少昊後嬴姓之葛也右俱見羅泌路史國名紀

又詩一首

補韓坡之後



教諭張宗泰修武縣有懷韓文公詩

大河洪流壯太行峙中土

精英之所萃挺生韓吏部吏部原道篇淵源溯

魯披榛得徑路世教獨指拄侃侃佛骨表浩氣凌

千古義烈非尋常誓除鯁魚苦軍門折庭湊奮臂

肝膽吐弟子多英彥知名略可數籍湜走且僵汗

流不敢伍來茲濁鹿城停策問

別墅大名豈浪垂空山爲延佇

又攷一篇

補許惠和公墓之後

邑拔貢王蘭廣元許惠和公墓攷

許惠和公諱通文正公魯齋之父也墓在修武田

潤邨西北百餘弓四旁有岸墓碑大字三行銘元

誥贈銀青榮祿大夫大司徒魏國惠和公許公之

墓三十一字碑陰有字二行銘至正甲申己巳月

戊寅日元宗孫前江南諸道行御史臺監察御史



紹祖立石三十字墓前石河自西北來繞而東南  
卽曰澗也東距馬澗四里東北距春林三里北距  
塔掌四里西北距河內李封二里南距文正公墓  
二里許俗呼老塋窪云

里甲

補編戶十二里之下

竊以牆南路爲八里山陽廢城之北邨曰牆北廢  
城之南邨曰牆南初未得其解案牆南卽城南也  
由梁太祖父烈祖名誠當時避之故至今猶然耳  
觀元豐類稿可攷而知







